

樹

藝

篇

果部九

荔枝

四川 自眉壽佳至此皆產荔枝唐以涪州任貢楊太真
所著去州數里有妃子園然其品實不高今天下荔枝
當以閩中為第一閩中又以蒲田陳家紫為最廣荔枝
子生時固有厚味多液者乾之肉皆瘠閩產則否吳船錄
摠荔枝一名丹荔枝南記曰此木以荔枝為名者以其
結實時枝弱而瘠牢不可摘取以刀斧剝去其枝故以
為名生嶺南巴中泉福漳興化蜀渝涪及三廣州郡皆
有之其品閩為最蜀川次之嶺南為下樹形圓圓如

惟蓋葉如冬青花如橘朵如蒲萄核如枇杷殼如紅繒
膜如紫綃肉白如肪花於二三月實於五六月其根浮必
須加糞土以培之性不耐寒難培植經繁霜枝葉枯
死遇春二三月再發新葉種五六年冬月覆蓋之以護
霜雪種之四五年始開花結實其木堅固有紅四百餘
年猶能結實者曬荔枝採下即用竹筴朗晒經數日色變
核乾用火焙之以核十分乾硬為度○收藏用竹籠簍葉裹
之可以致遠成朵曬乾者不為荔枝○取其肉生以蜜熬
作煎爵之如糖霜然名為荔枝煎○北方無此種自漢南粵以
備方物於是荔枝始通中國漢唐時命驛馳貢洛陽取於

嶺南長安來於巴蜀雖曰鮮獻傳置之速然腐爛之餘色香味之存者無幾蓋此果若離本校一日色變二日香變三日味變四五日外色香味盡皆盡矣非惟中原不嘗生荔枝味江浙之間亦罕焉今閩中歲貢亦晒乾者宋蔡漢作荔枝譜載之名色詳矣茲不復錄昔李真方第果實或薦荔枝曰當奉之首魏文帝詔郡臣曰南方果之珍異者有荔枝龍眼焉今閩中荔枝初着花時商人計林斷之以立券一歲之出不知幾千萬億水浮陸轉泛瀛南南北外而西夏新羅日本流求大食之屬莫不愛好重利以酬之夫以一木之實生於海濱岩險之遠而能名徹上京外被四夷重

於當世是亦有足貴者故附之穀譜是尔卓然為南北果
品是奇者也 王氏農譜

四川 予昔記唐世進荔枝於漫錄亦誤門云唐志以貢
自南方楊妃外傳以貢自南海杜詩亦云南海及炎方惟張
君房以為忠州東坡以為涪州未得其真近見涪州圖經
已及詢上人云涪州有妃子園荔枝蓋妃嗜生荔枝以驛
騎傳進自涪至長安有便路不七日可到故杜牧之詩云
一騎紅塵妃子笑東坡川人故得其實昔宋景文作成都方物
畧記圖言荔枝生嘉戎寧州此去長安差近疑妃所取蓋不
知涪有妃子園又自有便路也 能改堂漫錄

摠 梁蒲惠開云南方之珍惟荔枝矣其味絕美楊梅盧
橘自可投諸藩溷故東坡云南村渚楊北村盧直与荔枝為
先驅同上

摠 離支上林賦離支晉灼註大如鷄子皮鹿剝去皮膚如

鷄子中黃味甘多酢少

離

此字疑誤

蜀都賦旁提龍目側生荔枝

廣志曰木高五六丈大如桂綠葉冬夏榮茂青華朱實

出嶺

廣東荔枝樹高五六丈餘如桂樹綠葉蓬冬夏榮茂青

華朱實大如鷄子核黃黑似熟蓮實白如肪甘而多汁

似安石榴有甜酢者至日將中翕然俱赤則可食也一對下

子百斛三輔黃圖曰漢武帝元鼎六年破南越建扶荔宮

扶荔者以荔枝得名也自交趾移植百株于庭無一生者迨
年移植不怠後數歲偶一株稍茂然終無華實帝亦珍惜
之一旦忽萎死守吏坐誅死者數十遂不復茂矣其實
則歲貢焉郵傳者疲斃於道極為生民之患

楠方草
木狀

廣東荔枝凡幾種產于瓊山徐聞者百曰進奉子核小而
甜原味甚佳士人摘實必以淡鹽湯浸一宿則脂不粘手
野生及他種味帶酸且核大而肉薄味不及也

海樣

廣西荔枝自湖南界入桂林總百餘里便有之亦未甚
多昭李出撫核臨賀出綠色者尤勝自此而南諸郡皆
有之悉以不乾肉薄味淺不及閩中所產

桂海虞衡志

龍荔殼如小荔枝肉味如龍眼木身葉亦似二果故名核
可蒸食不可生啖令人發癰或見鬼物二月間小白花与
荔枝同時同上

廣西 南方果之美者有荔枝梧州火山者夏初先熟而
味少劣其高潘者最佳五六月方熟有無核類鷄卵大者
其肪莹白不減水精 熟液甘乃奇實也 北戶錄

摠荔枝子味甘平无毒止渴益人顏色生嶺南及巴中其
樹高一二丈葉青陰凌冬不凋形如松子大殼朱若羅紅
紋肉青白若水精甘美如蜜四五月熟百鳥食之皆肥美
本草 經圖經曰荔枝子生嶺南及巴中今泉福漳嘉蜀渝
人附

涪州吳化軍及二廣州郡皆有之其品閩中第一蜀川次之
嶺南高下扶南記云此木以荔枝為名者以其結實時枝弱
而蒂牢不可摘取以刀斧剝剝音利取其枝故以為名耳其木高
二三丈自徑尺至於合抱頗類桂木冬青之屬葉蓬然
四時榮茂不凋其木性至堅勁工人取其根作阮咸槽及
彈碁局木之大者子至百斛其花青白狀若冠之義纓實
如松花之初生者殼若羅文初青漸紅肉淡而如玉味甘
而多汁五六月盛熟時彼方皆燕會其下以賞之賓主極
量取數雖多亦不傷人少過度則飲蜜漿一盃使解荔枝
始得於漢世初惟出嶺南後出蜀中蜀都賦所云芳挺

龍目側生荔枝是也蜀中之品在唐尤盛白居易圖序論之詳矣今閩中四郡所出特奇而種類僅至三十餘品肌肉甚厚甘香莖白非廣蜀之比也福唐歲貢白荔枝并蜜煎荔枝肉俱為上方之珍果白荔枝須佳實乃堪其市貨者多用雜色荔枝入鹽梅暴之成而皮深紅味亦少酸殊失本真凡經暴皆可經歲好者寄至都下及閩陝河外諸處味猶不欲百果流布之盛皆不及此又有焦核荔枝味更甜美或云是木生背陽結實不完就者白暴之尤佳又有綠色臘色皆曰其品之奇者本土亦自難得其蜀嶺荔枝初生亦小酥肉薄不堪暴花及根亦入藥海藥云謹按廣州記云生嶺南及波

斯國樹似青木香味甘酸皇頃渴頭重心躁背膊勞悶並宜
食之嘉州以下渝州並有其實熟甘美荔枝熟人未採則
百虫不敢近人才採之烏鳥蝙蝠之類无不殘傷故採荔
枝者日中而輟採之荔枝子一日色變二日味變三日色味
俱變古詩云色味不踰三日變員安宇荔枝詩云香味三
日變今瀘渝人食之多則發熱瘡證類本草

四川 夔府荔枝皆五月間熟荔枝過三日則香色味俱
變閩中荔枝三日到永嘉 梅溪集

摠 廣志曰荔枝樹高五六丈如桂樹綠葉蓬冬夏蔚茂
青華朱實大如鷄子核黃黑似熟蓮子實白如肪甘而多

汁似安石榴有甜酢者夏至日將已時翕然俱赤則可食也一對下子百斛犍為獃道南廣荔枝熟時者烏肥其名之曰焦核小次曰春花次曰胡偈此三種為美以鼈卵大而酸以為醢和率生稻田間異物志曰荔枝為美多汁味甘絕口又小酸所以成其味可飽食不可使厭生時大如鷄子其膚光澤皮中食乾則焦小則肌核不如生時奇四月始熟也齊民

摠 陳從易寄荔枝與盛參政詩云櫻株真小子龍眼是凡姿欖橄為下輩枇杷客作兒盛問其說云櫻株味酸小子也龍眼無文彩凡姿也橄欖初澁後甘下輩也枇杷核大

肉少客作兒也 見聞錄

福 荔枝四月熟者曰火山五月熟者曰中冠六月熟者
為荔枝種好者瓢厚核小味甘美其次多酸 漳州府志

摠 閩中荔枝核有小如丁香者多肉而甘土人亦能為
之取荔枝木去其宗根仍火燻令焦復種之以大石抵其根
但令傍根得生其核乃小種之不復牙正如六畜去勢則
多肉而不復有子耳 筆談

廣東 楊貴妃生於蜀好食荔枝南海所生尤勝蜀者故
每歲飛馳以進然方暑而熟經宿則敗後人皆不知之因
史補

福建 蒲田荔枝名品曰出天成雖以其核種之終與其本
不相類宋香之後無宋香所存者孫枝爾陳紫之後無陳
紫過牆則為小陳紫矣筆談謂焦核荔子土人能為之取
本木去其大根火煏令焦復植於土以石壓之令勿生旁
枝其核自小里人謂不然此果形狀變態百出不可以里求
或似龍牙或類鳳爪釵頭紅之可簪綠珠子之旁綴是豈
人力所能加哉初方氏有樹結實數千顆歎重其名以二百
顆遺蔡忠惠公結以常歲所產止此公為目之曰方家紅
著之於譜印證其妄自後華實雖極繁茂逮至成熟所存
者未嘗越二百遂成語識此段已載遜齋閑覽中郡士黃虞

權復志其詳如此書志隨筆

摠荔枝葉青陰凌冬不凋形如松子大殼朱若紅羅紋肉青白若水精味甘溫平無毒甘美如蜜四五月熟如喫太多生蜜一匙新汲水化飲之主止渴益人顏色食多發疾日用草

福建 余深罷相居福州第中有荔枝初實絕大而美名曰亮功紅亮功者深家御書閣名也靖康中深謫建昌軍既行荔枝不復實明年深歸荔枝亦如故乃知世間富貴人皆有陰相之者孝學養軍記

摠荔枝味甘微酸溫無毒止煩渴美顏色通神健氣極甘美益

人食之不厭然太多亦發虛熱飲蜜漿一盃即解丹溪言
此果肉屬陽主散無形質之滯氣故能消瘤癰亦腫以核慢
火中燒存性為末酒調服治心痛及小腸氣食物本草

福建

閩廣荔枝古今所珍永升以花中牡丹作配予守甯

時徧嘗蔡譜之美意謂比主蒲萄足以當之若比玉消香水
自可北向土人護短不以為然彼蓋未味妙苗母足怪也更信
謂使尉瑾曰昔在鄴食蒲萄殊美陳縣曰作何狀徐君房
遂類軟枣信曰君殊不体物何不言似生荔枝信益先
得我心者也類博稿

荔枝亦曰離支始傳於漢世初出嶺南後蜀中故蜀都

賦云旁挺龍目側生荔枝南海藥譜云荔枝熟人未採則百虫不敢近才採之則烏鳥踰牆之類無不殘傷然亦不必荔枝諸果皆然東觀漢記云南海舊獻荔枝龍眼十里一置五里一候奔馳險阻奔馳險阻道隨路為忠孝和時唐雉上書言狀帝詔大官勿復受獻蓋此物易變一日色變二日味變三日色味俱變古詩云色味不喻三日變舊時採貢以蠟封其枝或密漬之而近奸倖之徒連株以進南人苦之不知土地所產之異而輒為人患何也無乃在物者歟草木畧

摠荔枝之於天下惟閩粵已蜀有之漢初南粵王尉

臣以之備方物於是始通中國司馬相如賦上林云荅還
離支蓋夸言之無有是也東京交趾七郡貢生荔枝十里
一置五里一候晝夜奔騰有毒蛇猛獸之害臨武長唐羌
上書言狀和帝詔大官省之魏文帝有西域蒲萄之比世
譏其謬論豈當時南北斷隔所擬出於傳聞耶唐天
寶中妃子尤愛嗜涪州歲命驛致時之詞人多所稱
詠張九齡賦之以托意曰白居易刺忠州既形於詩
又圖而序之雖形方歸顏色而甘滋之勝莫能著也洛陽取
於嶺南長安未於已蜀雖曰鮮盛而傳置之速腐爛之餘
色香味之存者無幾矣是生荔枝中國未始見之也九

齡居易雖見新實驗令之廣南州郡與變梓之間所出大
率早熟肌肉薄而味甘酸其精好者僅比東閩之下等
是二人者亦未始遇夫真荔枝者也閩中惟四郡有之福
州最多而興化軍最為奇特泉漳時亦知名列品雖高而
寂寥無紀時尤異之物昔所未有乎蓋亦有之而未始遇
乎人也予家蒲陽自臨泉福二郡十年往還道由鄉國每
得其尤者命工瀉生稗集既多因而題目以為倡始夫以一
木之實生於海瀕山石陰之遠而能名徹上京外被夷狄重
於當世是亦有足貴者其於果品卓然第一然性畏高寒
不堪移植而又道里遼絕曾不得班於廬橘江橙之石少發

光彩此所以為之嘆息而不可不述也

第一
蔡君謨荔枝譜下同

福建興化軍風俗園池勝處惟種荔枝當其熟時雖有他果不復見有尤重陳紫富室大家歲或不嘗雖別品千計不為滿意陳氏欲採摘必先閉戶隔牆入錢度鐸錢與之得者自以為幸不敢較其直之多少也今列陳紫之州長以例衆品其樹晚熟其實廣上而圓下大可徑寸有五兮香氣清遠色澤鮮紫殼薄而平韌厚而莖膜如桃花紅核如丁香母剥之凝如水晶食之消如絳雪其味之至不可得而狀也荔枝以甘為味雖百千樹莫有同者過甘与淡失味之中唯陳紫之於色香味自技其類此所以為天下第一

也凡荔枝皮膜形色一有類陳紫則也為中品若夫厚皮
尖刺肌理黃色附核而赤食之有查食已而溢雖無酢味
白亦下等矣 第二

福建 福州種植最多延貽原野洪塘水西尤其盛處一
家之有至於萬株城中越山當州署之北舊為林麓暑雨
初霽晚日照曜絳囊翠葉鮮明蔽映數里之間焜如星火
非名畫之可得而精思之可速覓攬之勝無与為比初着花
時商人計林斷之以立券若後曲豆寡商人知之不計美惡悉
為紅鹽去聲者水浮陸轉以入京師外至北戎西夏其東南
舟行新羅日本流瑣大食之屬莫不愛好重利以購之

故商人販益廣而鄉人種益多一歲之出不知幾千萬億而鄉人得飲食者益鮮以其斷林鬻之也品目至衆惟江家綠為州之第一

摠荔枝食之有益於人則仙傳稱有食其華實為荔枝仙人本草亦列其功葛洪云蠲渴補髓所以唐羌疏云未必延年益壽蓋云雖有其傳豈果能哉亦諫止之詞也或以其性熱人有甘啖千顆未嘗為疾即少覺熱以蜜漿解之其本質理難老今有三百歲者枝葉繁茂生結不息此其亦驗也

福建 初種畏寒方五六年深冬覆之以護霜霰福州之西三舍曰水口地少加寒已不可殖大略其花春生籜然白

色其花多少在風雨時與不時也有間歲生者謂之歇枝
有仍歲生者半生半歇也春雨之際傍生新葉其色紅白
六七月時色已變綠此明年開花者也今者實者明年歇
枝也取忌麝香或遇之花實盡落其熟未更採摘蟲鳥皆
不敢近或已取之蝙蝠蜂蟻爭來竊食園家有名樹旁植
四柱小樓夜棲其上以警盜者又破竹五七尺搖之蒼然
以逼蝙蝠之屬

福建 紅鹽之法民間以鹽梅醃浸佛桑花為紅將水投於枝
漬之曝乾色紅而甘酸可三四年不蟲去聲修工員與商人便皆
之然絕其無正味白晒者正尔烈日乾之以核堅為止畜之

雍中密封百日謂之出汗去汗耐久不然踰歲壞矣福州
旧貢紅鹽密煎二種慶曆初太官問歲進之狀知州事沈邈
以道遠不可致減紅鹽之數而增白曝者兼令漳泉一郡亦均
貢焉密煎剥生荔枝筴去其漿然後蜜煮之予前知福州
用晒及半乾者為煎色黃白而味美可愛其費荔枝減常
歲十之六七然脩貢者皆取於民後之主更利其多取以貢
賂曬煎之法不行矣

陳紫已下十二品有等次虎皮已下二十品無等次

江綠大較類陳紫而差大獨香薄而味少淡故以次之其對已
貢葉氏而民間猶以為江家綠云

方家紅方家紅可結二寸色味俱美言荔枝之大者皆莫敢稱
生一二百顆人罕得之方氏子多養今為大理寺丞

純白齋

游家紫游家紫出石十年種自陳紫實大過之

小陳紫

小陳紫其樹去陳紫數十年初一家所種之紫其成也蓋小又時有隱後者曰而得此一家所種之紫亦成也

東西陳烏

宋公荔枝

宋公荔枝樹極高大實如陳紫而小甘美无異或云陳紫種出宋氏世傳其樹已三百歲旧屬王氏黃巢

丘通欲斧薪之王氏媼抱封號泣求与稱階死賊情之不伐宋公名誠公者老人之稱年餘八十子孫皆

仕宦

藍家

藍家紅藍家紅泉州為第一藍氏兄弟主為太常博士亦為尚書都官員外郎

周家

紅周家紅獨立與化軍三十年後生益奇聲名乃損然不失為上等

何家

紅何家紅出漳州何氏世為牙校嘗有尉將全齋買之何氏在舍後將熟其子日領卒數十人穿其堂房乃至何所

其來無時尋家伏藏欲即伐去而不忍今猶存焉

法石白法石白出泉州法石院色青白其入次於藍家紅

綠核綠核類江綠色丹而小荔枝皆紫核此以綠見異出福州

圓丁香丁香荔枝皆旁大而下銳此種伴圓与味皆勝

虎皮虎皮有紅色絕大結腹有青紋正類虎班常於福州東山

牛心牛心有以狀言之長二寸餘皮厚肉溫福州惟有一株每歲貢乾荔枝皆朝於民主吏常以牛心為華民倍自膳之

以輸予富饒而不用

玳瑁玳瑁紅荔枝上有黑點疎密如玳瑁斑福州城東有之

硫黃硫黃顏色心黃而刺微紅亦小荔枝以色名之也

朱砂朱砂色如砂紅而偏大亦云朴砂出福州

蒲桃荔枝總生一果至一二百將熟多破裂此荔枝每顆一便長三五寸附於枝上等附枝而生樂天所謂柔如蒲

祇者正謂是也其品殊下

柑殼柑殼者殼為深渠如為屋焉

龍牙

龍牙者荔枝之皮怪者其殼紅可食三四寸步世如爪而無餘核全封忽變非常有也與化重轉運司廳事之西

常見之

水荔枝

水荔枝漿多而淡食之齟齬易取宜依山或平陸有近水曰者清泉流既其味遂爾出與化軍

蜜荔枝

蜜荔枝純甘如蜜是謂過甘失味之中

丁香荔枝

枝如小丁香樹病或有之亦謂之懸核皆小果也

大丁香

大丁香出福州天慶觀厚殼紫色氣多而味微澀

雙髻小荔枝

每果數十皆並蒂雙頭因以目之

真珠刺之

刺熟圖句如珠荔枝之小者止於此

十八娘荔枝

色深紅而細長時人以少女比之俚傳閩王之父有女第十八孫故此品曰而得名其種今在城東郭

國院塚旁猶有此樹云

將軍荔枝

五代間有為此言者種之後人以其官號其樹而失其姓名之傳出福州

釵頭顆

紅而小可開婦人女子簪翹之側故特貴之

中元紅

荔枝將絕綠熟以晚重於時予常七月二十四日得之

火山

不出廣南四月熟味甘酸而肉薄穗生梗如枇杷樹中近亦有之出在梧州

右三十二品言姓氏尤其著者也言州郡記所出也不言姓氏

州郡四郡或皆有此

福達

臨漳一種名火山品雖云下熟則先從今漸入荔枝佳境

陳江未擘先流涎

梅溪集

四川荔枝本府出土人善為荔枝煎可以致遠宋黃庭堅
詩王公權家荔枝綠廖致平家綠荔枝試韻一盃重碧色快
剥千顆輕紅肌淡醅蒲萄未足數堆盤馬乳不同時誰同
此勝絕味惟有老杜東樓詩一統志叙州府

四川荔枝涪州出城西十五里唐時有妃子園荔枝百餘
株顆肥楊妃所喜當時以馬馳載七日夜至京人馬多斃死
然蜀中荔枝瀘叙之田為上涪次之合州又次之一統志重慶

四川荔枝本州并犍為峨眉夾江三縣俱出宋吳中復有
詩吳愛荔交紅歲作嘉州孽一統志嘉定州

四川荔枝杜甫過瀘州詩憶過瀘戎捕荔枝青風隱石

透迤京中舊見君顏色紅果酸甜只自知

一統志瀘州

廣東荔枝其名有脫玉皺玉麝香厘水精圓狀元紅之類
一統志廣東

廣東自東漢時南海進荔枝唐韋上書言狀和帝曰能之今
佳品多出番禺南海

荔枝諸品

脆玉

皺玉

狀元紅

季士緋

大將軍

小將軍

黃泥子

大丁香

小丁香

水晶圓

綠羅袍

麝香厘

犀角子

金釵子

天茄子

進鳳子

了髻子

蓋荔枝小者並蒂而生味甘無核海山樓宋諸司以端午日閱
舟師於上率以是日嘗之故名

已上出廣州府志

福建荔枝樹高二三丈許大至抱合頗類桂木冬青之
屬四時榮茂不凋花似木犀青白色微香實初青漸紅肉
淡白如脂玉性畏高寒州北數縣皆不可種連江之南雖植
成熟亦晚直至北嶺而南始大蕃盛其品不一八閩通志下

桂林皮厚大如鷄子味甜

中冠皮光而薄味清而甘視桂林差小

金鍾

皮厚色青黃味佳大亦類桂林
上三品俱六月熟今取以充貢者也

江家綠類蒲田陳紫而差大獨香味次之

綠荔枝核皆紫而此獨綠

圓丁香荔枝皆旁帶大而此種體圓味亦勝

虎皮色紅而有青紋正類虎斑

牛心以狀言之長二寸餘皮厚肉脆

玳瑁紅上有黑點類玳瑁斑

朱棗色如柿紅而極大

蒲萄穗生一系至一二百顆

柑殼殼為深紫如瓦屋狀

密荔枝純甘如蜜

丁香 核如小丁香亦謂之慙核

大丁香 殼厚色紫穠多而味微澁

雙髻 每朵數十皆並蒂双頭

真珠 剝之純無圓白如珠

十八娘 色淡紅而細長人以少女比之俚傳閩王有女第十六

將軍 五代間有為此官者種之後人因以其官號其齒而失其姓名

釵頭 顆紅而小可間婦人女子唇翹之側

粉紅 荔枝多深紅而此以色淺為異

中元 紅荔枝將絕熟以晚重於時

一品紅 紅者言於荔枝為上品

狀元紅紅者言於荔枝為第一也以上見曹肇基荔枝錄

馳蹄以其長大而甘柔也

金糴上銳而下方色深黃

栗玉似金糴而圓其味差勝

洞中紅出於宿猿洞故名

火山核大而味甘酸四月先熟

星毬紅此一本出雲岫里田間枝條生葉大三倍色紅而不結

英形殊狀詭核皆如丁香亦有絕無者食之甘脆

韻蓋神品也奪其核而植者竟莫能逮焉已上舊志所

饅頭其大如之皮亦粗厚味甘

磨盤皮亦粗厚味甘大如鷄子其近母帶處甚平故名

鷄母引鷄子

一系數十枚天二種俱七月熟

小錯出其大者極小者有牙核上

山中冠

實大而圓

山金鍾

實大微長

六月大實密

山荔枝之中等者也

扇畫實如饅頭皮薄上大下小味甘

中秋綠

松柏壘

皮厚而粗大如饅頭

爭江瓶

實如饅頭皮光上大下小上七種俱荔枝

右出福州

梅溪為泉州常有荔枝七絕

陳紫 江綠 皺玉 大將軍 玉堂紅

奪先紅 七夕紅 又有白蜜者熟最晚

藍家紅 其品為郡第一

法石白 已出法石院色音白其大次於藍家紅

大將軍 別有深紅霸園園中呼作大將軍

七夕紅 已上見郡志 堂荔子無名字自我呼為七夕紅

桂林 俗呼野種

金鍾

楊師姑 已上三品今所稱者

梅溪集又有奪先紅一品誌不曾取

純白齋

右出泉州

何家紅

見醫在部人何氏家故名

火山

本出廣南四月熟味甘而肉薄部所產者絕勝

中半

五月熟其品亦佳

陳家虎皮班

熟厚核如丁香味美而香部人品題以為第一

陳紅

水園

大綠

小綠

余家綠

皆名品也已上見舊志

石出漳州

陳紫

其樹晚熟其葉廣上而圓下大可徑寸有五分遠色澤鮮紫殼薄而平熟厚而生膜如琥珀花紅核如丁香

母剥之凝如水精食之消如律雪色香与味俱為第一

方家紅

可徑二寸色味俱美言荔枝之大者皆莫敢擬生一百顆人罕得之

小陳紫

其樹去陳紫數十步初一家許種之及其成也蓋小又時有熟核者因而得之

宋公荔枝

樹極高大實如陳紫而小甘美無異

周家紅亦荔枝之上等者

圓丁香

丁香荔枝

他種皆旁蒂大而下銳此種体圓与味甘勝

疏黃角色

正黃而刺微紅亦小荔枝以色名之也

龍牙枝

枝之變怪者其澁紅可長三四寸旁凹如爪方而

水晶枝

葉多而淡食之調渴蓋其植近小田清泉流既其味遂

綴玉

郎官紅

游香

紫瑤

百步蘭香

西紫

黃香

大小紅江綠

瑞堂紅

松紅

麝囊紅

百步香

黃玉已上俱見旧志

玉堂紅

今為稀之絕品其樹在城南之蔡宅僅一株耳

延壽紅

其品不減於玉堂紅亦惟一株在延壽橋側

狀元紅

出仙游之楓亭

綠紗色微綠

白蜜

色白而甘已上皆近所稱者余若大山之荔枝其名尚多今不悉錄

廣東 蔡君謨守福唐以閩中荔枝著譜而鄭熊亦

嘗記廣州荔枝凡廿二種出能改三漫錄下同

玉英子荔枝如玉之美質

焦核荔枝核小肉多 沉香荔枝以其香似

紅羅荔枝其小而紅其紋如羅

透背荔枝其他者皮皆外白內外皆紅

牂狗荔枝形似牂狗帽

僧耆頭荔枝皮皺如僧頭

水母子荔枝其多如水母子

疾藜金荔枝皮上如疾藜紋

大將軍荔枝

小將軍荔枝其葉俱大

大蟬荔枝

小蟬荔枝子有大小者皆熟而黃

松子荔枝像其形也

蛇皮荔枝紋似蛇皮

青荔枝熟而青

銀荔枝熟而白

不憶子荔枝一食而不復思

火山荔枝火山在梧州既大而黑

山荔枝

野生子小而酸澁人少食

五色荔枝出海南

好事者作荔枝饅頭取荔枝榨去水入酥酪辛辣以含漿必作簽商以荔枝肉并椰子花与酥酪同炒土人尤嗜之同上

福建

宋端明著荔枝譜通論福興泉漳四郡荔枝其名家不

過十有二品於興化軍獨數陳紫江綠方家紅游家紫宋家青周家紅圓丁香七品而已虎皮而下三十二品不論

也至紹熙間修郡志時謂舊譜所存惟方紅游氣周紅園
丁香四品而已其後出者有破玉之堂紅即官紅游丁香
為最勝者其余若狀元紅紫瓊百步蘭壽香西紫黃
香大小綠疏黃紅瑞堂紅松紅麝囊紅百步香黃玉
之類亦足名家今譜所論不復有矣而志所列若玉堂
紅於蔡宅狀元紅出於楓亭者特重于時蓋此物不係
於種物而係於得氣有盛衰也吳化府志

左思蜀都賦旁挺龍目側生荔枝故張九齡賦荔枝云惟
現上國之光而被側生之誚杜子美絕句云側生野岸及
江蒲不熟丹宮滿玉壺諸荔枝為側生雖岑之左思張

九齡然以時事不款直道也黃山谷題楊妃病齒云多食側
生損其左車則特好奇耳 必能
招錄

時事指楊貴妃

龍眼

龍眼樹如荔枝但枝葉稍小微青黃色形圓如彈丸核如木梔子而不堅肉白而帶漿其甘如蜜一朶五六十顆作穗如蒲萄然荔枝過即龍眼熟故謂之荔枝奴言常隨其後東觀漢記曰單于來朝賜橙橘龍眼荔枝魏文帝詔郡臣曰南方果之珍異者有龍眼荔枝今歲貢焉出九真交趾南方草木狀

廣雅曰孟知龍眼也廣志曰龍眼樹葉似荔枝蔓延緣木生子如酸棗色黑紺甜無酸七月熟吳氏曰草曰龍眼一名益知一名比目 香民要術

龍眼如彈而味甜出荔枝後一名木彈又名秋風子大小二名廣州府志

龍眼一名荔枝奴言其色其香其味皆不敢與荔枝為儔匹或曰荔枝過後始熟故名漳州府志

圖經曰龍眼生南海山谷今閩廣蜀道出荔枝處皆有之木高二丈許似荔枝而華微小凌冬不凋春末夏初生細白花七月而實成殼青黃色文作鱗甲形圓如彈九核若無患而不堅肉白有漿甚甘美其實極繁每枝常三二十枚荔枝纒過龍眼即熟故南人曰為荔枝奴一名蓋知以其味甘歸脾而能示知甘下品自有益智子非此物也東觀漢記云南海舊獻龍

眼荔枝十里一置五里一候奔馳險阻道路為患孝和時汝南唐荂為臨武長縣接南海上書言狀帝下詔太官勿復受獻由是而止其為世所貴重久矣今人亦甚珍之暴乾寄遠北中以為佳果亞於荔枝

龍眼其實似檳榔而小肉薄於荔枝甘美堪食味甘平無毒其味歸脾而能益志主五臟邪氣安志除蠱毒去三虫本草

張揖博雅云益知龍眼也按益智自為一物殊非龍眼揖言

大誤圖經本草遂承其謬矣元一

圓眼味甘平無毒主五臟邪氣安志壓食故醫方歸脾湯用之除蠱毒久服輕身不老通神明一名益智閩中出者味勝

生食不及荔枝故曰荔枝奴

食物本草

龍眼一名荔枝奴言色香味不敢与荔枝為儕匹或曰荔枝過後龍眼始熟改名其品不一龍眼是其中樣者有一種最大者呼虎眼一種最小者呼鬼眼又有並蒂而生一大一小俗謂鷄母引鷄子北人不復識別總呼曰圓眼本草謂食之益人蓋甘味歸脾耳

吳化府志

龍眼曰益智曰龍目曰亞荔枝曰荔枝奴其味清甜荔枝才過即食龍眼

草木畧

龍眼南州悉有之極大者出邕州園如當二錢但肉薄不能遠過常品為可恨桂海虞衡志

龍眼木高二丈許似荔枝而葉微小凌冬不凋春末夏初
生細白花七月實成尔雅翼

龍眼花与荔枝同開樹示如荔枝但枝葉稍小殼青黃色
形如彈丸核如木梔子而不堅肉白而帶漿其甘如蜜熟
於八月白露後方可採摘一朶五六十顆作一穗荔枝過
即龍眼熟故謂之荔枝奴福州興化泉州有之比荔枝
特罕木性畏寒北方亦無此種今充歲貢焉○臘龍眼
法採下用梅鹵浸一宿取出晒乾用火焙之以核乾硬為
度如荔枝法收藏之成朶乾者名龍眼錦東坡詩云龍
眼与荔枝異出同父祖端如柑与橘未易相可否夫龍

眼与荔枝齐名味亦味美登盤俎而充歲貢稱於魏文之
詔詠左思之賦又豈凡果之可比哉

王氏農書

龍眼樹似荔枝而葉微小凌冬不凋春末夏初生細白花
七月而實成形如彈丸皮黃褐色肉白而甘荔枝繞過龍
眼即熟故南人目為荔枝奴

八閩通志

耳蕨

十月初收蕨揀即密者連梢葉入窖至來年二月宜潮沙之地犂長溝以蕨卧於溝內土蓋之候三月間苗出用糞或麻枯壅之仍去傍邊小苗止留大苗

神隱

諸蕨一曰耳蕨交趾所生者圍數寸長丈餘類似竹斷而食之甚耳芩取汁曝數日成飴入口消釋彼人謂之石密南人云耳蕨可消酒又名干蕨司馬相如樂歌曰太尊蕨漿折朝醒是其義也秦康六年扶南諸國貢諸蕨一丈三節

古今草木狀

耳蕨赤者曰崑崙蕨白者曰荻蕨土人搗取其汁以為沙

糖

八國通志

甘蔗味甘平無毒主下氣和平助脾氣利大腸本

草經

陶隱居云今出江東為勝廬陵亦有好事者廣州一種

數年生皆如大竹長丈餘取汁以為沙糖甚益人入有荻
蔗節疎而細亦可噉也今按別本注云蔗有兩種赤色名
崑崙蔗白色名荻蔗出蜀及嶺南為勝並煎為砂糖今江
東甚多而劣於蜀者亦甚其美時用煎為稀沙糖也今金
稽作乳糖殆勝於蜀去煩止渴解酒毒謹按蜀本圖經云
葉似荻高丈許有竹荻二蔗莖粗出江南荻蔗莖細出江
北霜下後取莖芟其汁為沙糖鍊沙糖和牛乳為石密並
好圖經曰甘蔗曰不著所出州土陶隱居云今江東者為

勝廬陵亦有好者廣州一種數年生者如大竹長丈余今江浙閩廣蜀川所生大者亦高丈許葉有二種一種似荻節疎而細短謂之荻蔗一種似竹麓長筴其汁以為沙糖皆用竹蔗泉福吉廣州多作之鍊沙糖和牛乳為石密即乳糖也惟蜀川作之荻蔗但堪噉或云亦可煎稀糖商人販貨至都下者荻蔗多而竹蔗少也食療云主補氣養下氣不可共酒食發痰證類本草

甘蔗今川廣湖南北二浙江東西皆有自八九月已堪食收至三四月方酸壞石密沙糖霜皆自此出惟川浙者為勝本草衍義

其蔗以水田作醲種之葉如管茅其莖有節春種冬成持其汁煮之則成黑糖又以黑糖煮之則成白糖莆人趁利者多種之近為癡風所損故少止

吳化府志

宋神宗問呂惠卿何草不庶獨蔗從庶何也惠卿曰凡草種之則正生其蔗種之則旁生上喜之按六書有諧聲蔗庶聲庶古遮字非會意也若蔗以旁生從庶則鶴鵠蟻亦旁生耶

并圖

格物論蔗叢生身似竹而實高六七尺及未抽葉如蘆葉而大長三四尺八九月去皮斷而食之脆而味甘茲窄取其汁過樟木槽煎之可成飴今砂糖冰糖是也

糖霜之名唐以前無所見自古食蔗者始為蔗漿宋玉招
魂所謂肺鬘色羔有蔗漿是也其後為蔗飴孫亮使黃門
就中藏吏取交州所獻甘蔗飴是也後又為石密南中八
郡志云榨甘蔗汁曝成飲謂之石密本草亦云煉糖和乳
為石密是也唐太宗遣使至摩竭陀國取熬糖法即詔楊
州上諸蔗榨潘如其制色味逾於西域遠甚然只是今之
砂糖蔗之技尽於此不言作霜然則糖霜非古也歷世詩
人模寫奇異亦無一章一句言惟東坡公過金山寺作詩
送遂寧僧圓寶云涪江与中冷共此一味水冰盤薦琥珀
何似糖霜美黃魯直在戎州作頌荅梓州雍熙長老寄糖

霜云遠寄蔗霜知有味勝於崔子水晶鹽正宗掃地從誰
說我舌猶能及鼻尖則遂字糖霜見於文字者實始二公
耳蔗所在皆植獨福唐明四番禹廣漢遂字有糖水而遂
字為冠四郡所產甚微而顆碎色淺味薄終比遂之最下
者亦皆起於近世唐大曆中有鄒和尚者始來小溪之繖
山教民王氏以造霜之法繖山在縣北二十里山前后為
蔗田者十之四糖霜戶十之三蔗有四色曰杜蔗曰西蔗
曰芳蔗本草所謂荻蔗也曰紅蔗本草所謂崑崙蔗也紅
蔗止堪生噉芳蔗可作砂糖西蔗可作霜色淺土不甚貴
杜蔗綠嫩味極厚專用作霜凡蔗最困地力今年為蔗田

者明年改種五穀以息之霜戶器用曰蔗削曰蔗鎌曰蔗
斃曰蔗碾曰榨斗曰漆甕各有制度凡霜一甕中品色亦
自不同堆疊如假山者為上團枝次之甕鑑次之小顆塊
次之沙腳為下紫為上深琥珀次之淺黃又次之淺白為
下宣和初王黼創應奉司遂穹常貢外歲進別數千斤是
時所產益奇墻壁或方寸應奉司罷乃不再見當時因之
大擾敗本業者居半久而未復遂穹王灼作糖霜譜七篇
具載其說予采取之以廣聞見

客堂隨筆

其蔗味甘平無毒主下氣和中助脾氣利大腸病反胃取
取搗汁和薑汁服之愈又云療發熱口乾小便澀食物本

草

耳蔗：有兩種，赤者名崑崙蔗，白者節疎而細，名荻蔗。味甘平，無毒，多食令人發虛熱。其汁煎砂糖，主下氣和中，助脾消痰，止渴解酒毒，利大小腸，番胃用生薑合和搗汁服之。日用本草。

黑糖煮蔗為之。冬月蔗成後取而斷之，入碓搗爛，用大桶裝貯桶底旁側為竅，每納蔗一層，以灰薄灑之，皆築實及滿，用熱湯自上淋下，別用大桶自下承之，旋取入釜烹煉。火候既足，蔗漿漸稠，乃取油滓點化之，別用大方盤挹置盤內，遂凝結成糖，其面光潔如漆，其腳粒粒如沙，故名砂糖。又按宋志以今蔗為竹蔗，別有荻蔗，煎成冰糖，今不

復有矣白糖每歲正月內煉砂糖爲之取乾好沙糖置大
釜中烹煉用鴨卵連青黃攪之使查滓上浮用鉄笊籬撇
取乾淨看火候足別用兩器上下相承上曰國切胡用下曰
窩國下尖而有竅窩內虛而底實乃以草塞竅取煉成糖
漿置國中以物乘熱攪之及冷糖凝定糖油墜入窩中三
月梅雨作乃用赤泥封之約半月後又易封之則糖油尽
抽入窩至大小暑乃破泥取糖其近上者全白近下者稍
黑遂曝乾之用木桶裝貯九月各處客商皆來販賣其糖
油鄉人自買之彭志云旧出泉州正統間莆人有鄭立者
李得其法始自爲之吳化府志

耳蕨紫色者節密而大質虛名紫蕨白色者節疎而細名
荻蕨皆不中作糖惟充菓品而已 邵武府志

耳蕨有三種赤色者曰崑崙蕨白色者亦曰竹蕨亦曰蠟
蕨小而燥者曰荻蕨 草木考

說文曰諸蕨也案書傳曰或為芋蕨或干蕨或耶睹或耳
蕨或都蕨所在不同雩都縣土壤肥沃偏宜耳蕨味及采
色餘縣所無一節數寸長即以獻御異物志曰耳蕨遠近
皆有交趾所產耳蕨特醇好本末無薄厚其味至均園數
寸長丈餘類似竹斬而食之既耳取汁如飴錫名之曰
糖益復珍也又煎而曝之既凝而冰硬如磚其食之入口

消釋時人謂之石密者也家政法曰三月可種甘蕉
要術

甘蕉

種芭蕉欲長茂以污渠中泥沃之瑣碎錄

人家不可多種芭蕉久而招崇同上

種水芭蕉法取大芭蕉根平切作兩片先用糞硫黃酵土
湏十分細却以芭蕉所切處向下覆以細土當年根上便
生小芭蕉纔長二三寸許取起作骰子塊切下逐根種於
石上用棕櫚細纏定根下着少土置水中使其土漸去其
根已附石矣同上

蕉本草名甘蕉俗呼芭蕉葉長而大其卷心中抽幹作花

一莖只一幹花如倒垂莖莖每開一瓣則子駢生附幹自
中夏開直至中秋後方盡子凡數十枚生青熟黃色之甘
美亦可曝乾寄遠閩中所產者大槩有二種一種樹高大
餘子差大俗呼象牙蕉一種樹高五六尺子差小俗呼佛
子蕉又一種樹高三二尺莖小開紅花無實俗呼紅蕉又
一種無花實其苗可縷為布所謂蕉布也八閩通志

南方寺觀及人家庭院中多種芭蕉但可資觀美而已實
無所用或以其葉代荷葉襯蒸麵食然婦人有癥瘕及血
氣病者感其氣則益甚是亦不可用也聞諸瘟者以其根
飼之魚泛者以其幹挫投池中則已未之試也葭園雜記

芭蕉常年開花結實有二種一曰板蕉大而味淡一曰佛手蕉小而甜俗呼爲蕉子作常品不似吾江南茂而不花而不實也

海槎余錄

芭蕉二月分栽

芭蕉極大者凌冬不凋中抽一幹長數尺卽有花二根葉根有實去皮取肉軟爛如綠柿極甘冷四季實土人或以飼小兒性涼去客熱以鹽梅汁曝乾按令匾味甘酸有微霜世所謂芭蕉乾者是也又名牛蕉子鷄蕉子小如牛

蕉亦四季結實

桂海虞衡志

茅蕉子小如鷄蕉尤香嫩甘美秋初結實

同上

紅蕉花葉瘦類蘆葦中心抽條二端發花葉數層日拆一兩葉色正紅如榴花荔子其端各有一點鮮綠尤可愛春夏開至歲寒尤芳又有一種根出土處特肥飽如膽瓶號膽瓶蕉同上

甘蕉望之如樹株大者一圍餘葉長一丈或七八尺廣尺餘二尺許花大如酒杯形色如芙蓉着莖末百餘子大各為房相連果甜美亦可蜜藏根如芋魁大者如車轂實隨華每華一圍各有六子先後相次子不俱生花不俱落一名芭蕉或曰芭蕉剥其子上皮色黃白味似蒲萄甜而脆亦療飢此有三種子大如拇指長而銳有類羊角名羊角

蕉味最甘好一種子大如鷄卵有類牛乳名牛乳蕉微減
羊角一種大如藕子長六七寸形正方少甘最下也其莖
解散如絲以灰練之可紡績為絺綌謂之蕉葛雖脆而好
黃色不如葛赤色也交廣俱有之三輔黃圖曰漢武帝元
鼎六年破南越建扶荔宮以植所得奇草異木有甘蕉二
本南方草木狀

蕉味香而甜佳者出增城有青茅蕉黃牙蕉香蕉青牙者
雖甚熟且腐而色不變最為香美 廣州府志

芭蕉其實附幹駢生大小狀如象牙小者為香蕉大者為
官蕉甜軟而香俱可焙乾 漳州府志

退之羅池廟碑荔子丹芳蕉葉黃蕉子花如莖莖紫紅色
子如肥皂一枚皮綠肉厚黃色食之如柿極香美勝瓜霏

雪錄

園經曰耳蕉根舊不著所出州郡陶隱居云本出廣州江
東並有根葉與異惟二不堪食今出二廣閩中川蜀者有
花閩廣者實極美可噉他處雖多而作花者亦少近歲都
下往之種之甚盛皆芭蕉也蕉類亦多此云耳蕉乃是有
子者葉大抵與芭蕉相類但其卷心中抽蘗作花初生大
莖如倒垂莖莖有十數層之皆作瓣漸大則花出瓣中極
繁盛紅者如火炬謂之紅蕉白者如蠟色謂之水蕉其花

大類象牙故謂之牙蕉其實亦有青黃之別品類亦多食之大耳美亦可曝乾寄遠北上得之以為珍果閩人灰聖其皮令錫滑績以為布如古之錫裛焉其根極冷搗汁以傳腫毒蓐婦血妨亦可飲之又芭蕉根性亦相類俚醫以治時疾狂熱及消渴金石發動躁熱並可飲其汁又芭蕉油治暗風癰病取作暈悶欬相者飲之得吐便差極有奇效取之用竹筒插皮中如取漆法衍義曰芭蕉三年已上即有花自心中出一莖止一花全如蓮花葉亦相似但其色微黃綠從下脫葉花心但向上生常如蓮樣然未嘗見其花心剖面視之亦無藥悉是葉但花頭常下垂每一朶

自中下開直至中秋後方盡凡三葉開則三花脫落北地
惜其種人故少用綾其苗為布取汁婦人塗髮令黑餘說
如經

僧懷素貧魚紙可書常如故里種芭蕉萬餘以供揮洒本
傳同上

格物論芭蕉一名包且叢生大者三四尺團葉如扇廣尺
餘長一丈中心抽幹作花初生如倒垂莖莖謂之紅蕉一
種株大者莖着子百餘各為房相連累甜美亦可蜜藏二
廣閩中有之名曰耳蕉一名羊角蕉一名牛乳蕉一種其
莖解東如絲可績如締紵交廣人為之詩孝大全

蕉即芭蕉也凡樹葉之大者莫過如蕉開花頰紅若蓮花
狀而堅厚高脚者結實長矮脚者結實短凡結實就卷心
中心抽幹作花、落結實如牙以斬而長及熟噉之甘美
如飴或曝乾及火乾莆以為珍味又有水蕉不結實山居
人治以為布本草甘蕉脚大寒主癰腫結氣藥性論云一
切癰腫搗根傳乾即重傳無不愈者

吳化府志

芭蕉葉碧而脆茂密如林張文潛詩云翠旂舒曉日綠錦
障西風方茅甲時移植水石則柔弱可玩

毘陵志

予往歲謫延平北歸宿建陽公館是歲閩中大雪四山皓
白而芭蕉一株橫映粉牆盛開紅花名美人蕉世稱王惟

雪蕉畫為奇格而不知冒雪着花乃實境也

稼章漫抄

廣志曰芭蕉一曰芭蕉莖或曰甘蕉莖如荷芋重皮相裹大如孟升葉廣二尺長一丈子有角子長六七寸有蒂三四寸角著蒂生為行列兩二共對若相抱形剝其上皮色黃白味似蒲萄甜而脆亦飽人其根大如芋魁大一石青色其莖解散如絲織以為葛謂之蕉葛雖脆而好色黃白不如葛色出交趾建安南方異物志曰甘蕉草類望之如樹株大者一圍餘葉長一丈或七八尺廣尺餘華大如酒盃形色如芙蓉華莖末百餘子大各為房根似芋魁大者如車穀實隨華每華一闔各有六子先後相次子不俱生華

不俱落此蕉有三種一種子大如拇指長而銳有似羊角
名羊角蕉味最甘好一種子大如鷄卵有似羊乳味微減
羊角蕉一種大如藕長六七寸形正方名方蕉少甘味最
弱其莖如芋取護而煮之則如絲可紡績也異物志曰芭
蕉葉如筵席其莖如芋取護而煮之則如絲可紡績女工
以爲絺綌則今交趾葛也其內心如蒜鵲頭生大如合样
因爲實房著其心脊一房有數十枚其實皮赤如火剖之
中黑剥其皮食其肉如飴蜜甚美食之四五枚可飽而餘
滋味猶在齒牙間一名甘蕉顧微廣州記曰甘蕉與吳花
實根葉不異直是南土煖不經霜凍四時花葉展其熟其

未熟時亦苦澁齊民要術

菓部第十

遠方之菓

橄欖

菴摩勒

檳榔

豈寇

椰子

文官菓

文林郎

婆羅蜜

無漏子

都角子

土瓜

苦菱

食葛

蓬蘽

丹菓

菩提果

箇摩子

橄欖鮮甘子附

橄欖生嶺南及閩廣州郡性畏寒江浙難種樹大數圍實長寸許形如訶子而無稜瓣其子先生者向下後生者漸高有野生者奇岐不可梯緣但刻其根方寸許內鹽於其中一夕子皆白落密藏極甜生噉及煮食之並消酒鮮諸毒人誤食鯢鮓魚肝迷悶欲死者飲其汁立鮮以其木作揖撥着鼻皆浮出物之相畏有如此者此果南人尤重之可作茶果其味苦酸為蔬食久味方回甘故昔人名為課果然消酒解毒亦菓中之有益於人者王氏農書

鮮甘惟泉州有之乃深山窮谷自上之物非人家所種其樹

稍高其子梭形又如梅實兩頭銳始嚼味酸澁飲水乃甘九月採比之橄欖酷相似以蜜藏之亦佳劉彦冲詩云炎方橄欖佳餘甘豈苗裔風姿雖小殊氣韻乃酷似驛顏澁吻餘髣髴清甘至侯門收寸長教骨成珍劑誠我言也同上

橄欖樹外有五種一曰丁香橄欖此以其形二曰故橄欖三曰蜜橄欖此以其所出呼之曰新婦橄欖此以其短矮而小五曰絲橄欖此以其子緊小唯出桂陽湘縣土食之必去兩頭云有大熟能改色漫錄

王立之詩話云東坡橄欖詩終青子落紅塩之句范景仁言橄欖木高大難採以塩擦木身則其实自

落所以有紅鹽之句也余按江隣幾嘉祐雜誌云橄欖
木其花如樗將採其實剥其皮以姜汁塗之則尽落江說
乃尔何耶豈鹽辣皆可用歟同上

橄欖樹身聳枝皆高數丈其子深秋方熟味雖苦噉咀之芬穠
勝含鷄骨香吳時歲貢以賜近侍今朝自泰康後亦如之
南方草木狀

橄欖木莖直而高秋實而味先苦後甘美者曰碧玉八閩通志

青橄欖無仁烏橄有仁外肉取來杵碎乾放則自有霜

堆起如白鹽名曰攬醬二種俱野生當四五月盛時市

人儘力取回用枝一年不似吾江南之甚珍貴也海槎餘錄

烏欖狀如橄欖青黑色肉爛而甘方欖亦橄欖類三角或四角出兩江○閩佳海虞衡志

蜀無橄欖或云司馬相如狗監所誦等賦喻蜀父老又封禪書王褒中和樂賦宣有詩聖主得賢臣頌楊雄劇秦美新篇辭皆嫺美足以取悅當代張九齡策安祿山姜公輔論朱泚危言可驗輒棄之不采相如輩蜀人九齡公輔以嶺海之士以草木臭味譬之如橄欖不生於蜀生於嶺海也亦猶唐李直方以貢士第果實一綠李二楊梨三櫻桃四甘子五蒲桃或薦荔枝日寄舉之百也蓋始於范曄以諸香品時輩侯朱虛著百官本草皆戲言之善者耳然近日蜀中種橄欖輒

生予山園自有數章

聞見後錄

橄欖子八九月熟其大如棗廣志云有大如鷄子者有野生者高不可梯但刻其根方數寸許入鹽於中子皆落矣今高涼有銀坑橄欖子細長味美於諸郡產者其價亦貴陳藏器云其木主鯢魚毒此木作檣揆着鯢魚皆浮出

北戶錄

若誤落橄欖在池中魚尽斃不可不計之

項碑錄

橄欖味酸甘溫無毒主消酒瘵鯢魚音怡毒人誤食此魚肝迷

悶者可煮汁服之必解其木作檣揆着魚皆浮出故知物有

相畏如此也核中仁研傳屑吻躁痛其毒似木槌子樹而高端直其形似生訶子元核辯生嶺南八月九月採又有一種名波

斯橄欖色類亦相似其形核作二瓣可以蜜漬食之生邕州
本草經今附

圖經曰橄欖生嶺南今閩廣諸郡皆有之木似木樨而高且
端直可愛秋晚實成南人尤重之咀嚼之滿口香久不歇生
生敢及煮飲並解諸毒人誤食鯢鮐肝至迷悶者飲其汁立
差山野中生者子繁而木峻不可梯緣但刻其根下方寸許內
鹽於中一夕子皆落木亦无損其枝節間有脂膏如飛膠南人
採得并其皮葉煎之如黑錫謂之欖糖用膠船着水蓋乾穿於
膠漆邕州又有一種娑斯橄欖与此無異但其核作三瓣可蜜
漬食之陳藏器云樹大圓實長寸許南方人以為果生實味

酸南州異物志曰橄欖子緣海浦岫間生實大如軸頭皆反垂
向下實先生者向下後生者漸高證類本草橄欖味澁食久
則甘嚼汁燕治魚鯁本草衍義

廣志曰橄欖大如鷄子交州以飲酒南方草物狀曰橄欖子大
如棗大如鷄子二月華色仍連着實八月九月熟生食味酢蜜
藏仍甜臨海異物志曰餘甘子如梭且全形初入口舌澁後飲
水更甘大如梅實核兩頭銳東岳呼餘甘柯欖同一果耳南越
志曰博羅縣有合成樹十圍去地二丈分為三衢東向一衢木
葉似練子如橄欖而硬削去皮南人以為糝南向一衢橄欖西
向一衢三丈三丈樹嶺北之猴也齊民要術

橄欖味香而甘一名木欖有丁香欖較香味則丁香尤勝
烏欖狀如橄欖而長黑色以溫湯沃之熟取其肉榨油乾之謂
之欖柿或糟或煎皆有風味油亦可食其仁供茶尤妙一名
木咸子○綠欖似烏欖而色綠治如烏欖法其味尤香亦有
紅色者以上通出廣州府志

橄欖尖而香者名丁香橄欖最為珍品圓而大者謂之橄欖
其物先食而澁咀嚼久之乃甘昔人以此諫臣忠言漳州府志

橄欖閩蜀俱有之閩中丁香一品極小雋永其味勝於蜀產家
君嘗手植核於小圃伺其萌茁再歲而樹壯畏霜覆以屋又三
歲高二丈許始實初如綠豆凡兩月漸大有墮地者視之木患

子也皮可洗衣功不讓皂角核則人以為念味者嗚呼地土風
氣之能移物性如是耶橘踰淮而北為枳鸛鵒不踰濟貉踰汶
則死地氣使然無足多怪

游宦紀聞

格物論橄欖大如棗兩頭尖青色三月花八九月熟生噉味酢甘
香勝鷄舌核有稜內三竅有人及煮食鮮酒毒置茶中尤佳野生
者子繁樹峻不可梯但刻根下方寸許內鹽於中一夕子皆落
詩季大全

橄欖味酸澁甘溫無毒主消酒開胃下氣止洩鮮魚毒尤鮮鯪
鮐魚毒核中仁去唇吻燥痛丹溪云味澁而生甘醉包宜之然
性熟多食能致上壅核分二種蜜漬食佳 食物本草

橄欖生嶺南閩廣交趾波斯樹大類園實長寸許八月熟蜜
藏極甜似訶子無穰瓣味酸甘溫無毒多食傷喉味雖澁食
久則甘主消酒開胃下氣止渴候食鯢鯢河北及諸物毒煮汁
服之必解核中仁研傳唇吻燥痛日用本草

按橄欖有二種尖而小者名丁香橄欖最為珍品圓而大者謂
之紫橄欖葢人不甚重之古今論橄欖多失真旧志云謂先
若後甘此果不若陳藏器謂生食味酸此果不酸今改許之曰
先食而澁及咀嚼之餘乃轉而甘香昔人以比諫臣忠言有旨
哉此果得鹽其味乃豐故臨潼志謂之鹽子煮汁可以消酒
及鮮鯢鮐鮓人所謂鯢魚也 吳化府志

橄欖最療鯀鮑毒其木作棊揆著魚皆浮出故知物有相畏者也

草木畧

菴摩勒即餘甘

菴羅果餘甘子也樹生西洛甚多梨之類狀似林檎而極大葉似茶葉作湯療渴疾味甘溫无毒動風氣天行病後及飽食後俱不可食又不可同大蒜辛物食令人患黃病用

本草

餘甘海物異名記菴摩勒果圓莖如珠食之餘味甘能調鹽毒山谷以其先苦後甘名之曰敢諫子出福清縣

閩通志

養摩勒樹葉細似合昏花黃實似李子青黃色核圓作六七枚食

之先苦後甘術士以變白鬚髮有驗出九真南方草木狀

餘甘子多販入北人皆識之其木可以制兵器桂海虞衡志

餘甘狀如川諫子初食味苦澁少頃甚甘一統志馬湖府

異物志曰餘甘大小如彈丸視之理如定園瓜初入口苦澁咽

之口中乃更甜美之味蓋蒸之尤美可多食齊民要術

餘甘味初澁食後曰味甚甘類橄欖而風韻過之大者如梅李

而色碧山谷名之曰味諫言初若而終有味故橄欖詩云方懷

味諫軒中果忽見金盤橄欖來想其餘甘有瓜葛苦中真味

晚方圓今鄉人亦呼為味諫廣州府志

餘甘本生西域梵語所謂菴摩勒也今閩廣皆有之初食苦澁久味甘故曰餘甘陳藏器本草云菴摩勒主補益強氣力取其子壓汁和油塗頭生髮去風痒初塗髮脫後生如漆與
化府志

菴摩勒即餘甘也梵名之異耳

草木畧

圖經曰菴摩勒餘甘子也生山嶺南交廣愛等州今二廣諸郡及西川蠻界山谷中皆有之木高一二丈板條甚軟葉青細密朝開暮歛如夜合而葉微小春生冬凋三月有花着條而生如栗粒微黃隨即結實作菜母條三兩子至冬而熟如李子狀青白色連核作五六瓣乾即并核啗裂其裕亦作果子噉之初

覓味若良久更甘故以名也

檳榔

上林賦仁頻頻師古注即賓榔也陶隱居云出交州形小而味甘
廣州以南者形大而味澁小者名納子向陽曰檳榔向陰曰良
圖經云生南海大如栲栳高五七丈正直無枝皮似青桐節如桂
竹葉生木顛大如橘其實作房從葉中出傍有刺若棘針一房
百實如鷄子皆有殼肉滿殼中尖長面有紫文者名檳圓而矮者
名榔吳都賦檳榔無柯榔垂無陰爾雅翼

檳榔樹高十餘丈皮似青桐節如桂竹下本不大上枝不小調直
亭：千萬若一森秀無柯端頂有葉：似甘蔗條派開破仰望
眇眇如插叢蕉於竹杪風至獨動似牽羽扇之掃大葉下繫

數房、綴數十字、大如桃李天生棘重累其下所以禦衛其實也味苦澀剖其皮鵝其膚熟如貫之堅如乾棗以扶留藤古賣灰并食則消美下氣消穀出林邑彼人以為貴婚族客必先進若邂逅不設用相嫌恨一名賓門藥餌南方草木狀

檳榔產於海南惟萬崖瓊山會同樂會諸州縣為多他處則少每親朋合會互相擎送以為礼至於議姻不用年帖只送檳榔而已久之多以家事消長之故改易告爭官司難於斷理以無憑執耳愚民不足論士人家亦多有匿是俗者海樣

嶺南好食檳榔橫人尤甚賓至不設茶但呼檳榔於聘物尤所重士夫生儒衣冠儼然謁見上官長者亦不輟咀嚼與臺皂隸因循

所養伺候於官府之前者皆然余常見東坡詩有云紅潮登頰
醉檳榔并俗傳有人啞口吐血之語心竊疑焉余初至其地見
人食甚甘余亦試嚼一口良久耳熱面赤頭眩目花幾於顛仆
久之方蘇遂更不復食始知其為真能醉人又見人嚼久吐津
水甚紅乃信口吐血之說余按本草所載檳榔性不甚益人丹
溪云檳榔善隊土疰瘴氣者可服否則能病真氣有開門延盜
之患彼人非中瘴食如穀粟誠為可笑

日詢手鏡

南人既喜食檳榔其法用石灰或蜆灰并扶留藤同咀不瀝
土以漆罈以銀錫作小盒如銀錠樣中為三室一貯灰一貯藤

一貯檳榔

桂海虞衡志

圖經曰檳榔生南海今嶺外州郡皆有之大如枕榔而高五
十丈正直無枝皮似青桐榔如桂竹葉生木巔大如槓豆又
似芭蕉葉其實作房後葉中出傍有刺若棘針重疊其下一
房數百實如鷄子狀皆有皮殼肉滿殼中正白味苦澁得扶
留藤與瓦屈之灰同咀嚼之則柔滑而甘美嶺南人嗽之以當
果實其俗云南方地溫不食此無以祛瘴癘其實春生至夏
乃熟然其熟極易爛欲收之皆先以灰汁煮熟仍火焙重乾始
堪傳久此有三四種有小而味甘者名山檳榔有大而味澁
核亦大者名猪檳榔最小者名納子其功用不說有別又云尖
長而有鬣文者名檳圓而矮者名檳榔力小榔力大今醫家

不復細分但取作鷄心狀存生正穩心不虛破之作錦文者為佳其大腹所出與檳榔或云檳榔唯淨真者今賈人貨者多大腹也

檳榔出廣西鬱林州樹如梭櫚高七八丈擇葉可為扇不引風氣其实尖者為貴与 灰同食令人齒黑故有雕題黑齒之俗實能辟瘴氣故土人日：早食客至傳以相待格古要論檳榔味辛溫無毒消穀逐水除痰癖洩瀉下氣宣臟腑壅滯墜諸葉下行殺三蟲及寸白多食傷真氣閩廣人取藟葉畏檳榔食之辛香隔間爽快加規灰更佳但吐紅不雅一名扶留所謂檳榔為命雜扶留是也食物本草

檳榔嶺南人以為果味食之謂能辟疫氣狀如雞心尖長端正
中有紫文者為真味辛溫無毒主消穀逐水除痰癖殺三虫
伏屍療寸白虫能宣五臟六腑壅滯破堅滿下膈氣治水腫
心痛風血積聚一方治痰涎檳榔為末白湯點服又治胎動腰
痛搶心或有血下用一兩為末濃煮葱白汁調下一錢日用本草
嶺南人以檳榔代茶且謂可以禦瘴余始至不能食久之亦能
能稍稍居歲餘則不可一日無此君矣故嘗謂檳榔之功有四
一曰醒能使之醉蓋每食之則薰然煩亦若飲酒然東坡所謂
紅潮登頰醉檳榔者是也二曰醉能使之醒蓋酒後嚼之則寬
氣下疾餘醒頓解三曰飢能使之飽蓋飢而食之則充然氣盛

若有飽意四曰飽能使之飢蓋食後食之則飲食消化不至
停積或曰子知其功未知其德檳榔賦性疎通而不洩氣稟
味嚴正而有餘甘有是德故有是功也 鶴林玉露

閩廣人食檳榔每切作片蘸礪灰以老葉果嚼之老音老又

音蒲口切初食微覓似醉面赤故東坡詩云登頰醉檳榔

西溪叢語

上林賦云仁頻仙藥錄云檳榔一名仁頻杜邑記云葉如甘蔗

頻音賓吳普本草云一名檳門

同上

俞益期與韓康伯箋曰檳榔信南游之可觀子既非常木亦特
奇大者三圍高者九丈葉聚樹端房構葉下垂秀房中子結房
外其擢穗似黍其綴實似穀其皮似桐而厚其節似竹而概其

內室其外勁其屈如覆虹其申如繩繩本不大末不小上不傾
下不叙稠直亭、千百若一步其林則寥朗庇其蔭則蕭條信
可以長吟可以遠想天性不耐霜不得北植必當遐樹海南遠
然萬里弗遇長者之目自令人恨深南方草物狀曰檳榔三月
華色仍連著實、大如卵十二月熟其色黃剝其子肥強可不
食惟種作子青其子并殼取實曝乾之以扶留藤古賁灰合
食之食之則滑美亦可生食最快好交趾武平興古九真有之
也異物志曰檳榔若筍竹生竿種之精硬引莖上直上不生枝葉
其狀若柱其顛近上末五六尺間洪、腫起若塊回木焉因折
裂出若黍穗無花而為實大如桃李又棘針重累其下所以衛

其實也剖其上皮煮其膚熟而貫之硬如乾棗以扶留古貢灰并食下氣及宿食白虫消殺飲啖設為口實林邑圖記曰檳榔樹高丈餘皮似青桐節如桂竹下森秀無柯頂端有葉之葉數房綴數十子家有數百樹南州八郡志曰檳榔大如棗色青似蓮子彼人以為貴異婚族好客輒先逞此物若邂逅不設用相嫌恨廣州記曰嶺外檳榔小於交趾者而大於蒟子土人亦呼為檳榔音民要術

蒟子

竺法僧登羅浮山疏曰山檳榔一名蒟子幹似蔗葉類作一叢千餘餘生十房底數百子四月採濟民要術

豆蔻 山薑附

豆蔻花其苗如蘆其葉似薑其花作穗嫩葉卷之而生花微紅穗頭深色葉漸舒花漸出舊說此谷食之破氣消痰進酒增信泰康二年文州貢一篋上試之有驗以賜近臣南方草木狀

豆蔻味辛溫無毒主溫中心腹痛嘔吐去口臭氣生南海本草經

陶隱居云味辛烈者為好甚香可常念之其五和糝素感切中物

皆宜人廉姜曰取溫中下氣益知熱枸音矩櫟音沿溫甘蕉麝目並小冷

耳口唐本注云豆蔻苗似山薑花黃白苗根及子亦似杜若物櫟

性冷陶云溫誤耳今注此草豆蔻也下氣止霍亂臣禹錫等謹按

蜀本圖經云苗似杜若春花在穗內如芙蓉四房生於莖下白色

花開即黃根似高良姜實若龍眼而無鱗甲中如石榴子莖葉
子皆味辛而香十月收今苑中亦種之陳藏器云山姜味辛溫
去惡氣溫中、惡霍亂心腹冷痛功用如姜南人食之根及苗
並如姜而大作樟木又又有櫟子薑黃色緊辛辣破血氣殊
強此薑圖經曰豆蔻即草豆蔻也生海南今嶺南皆有之苗
似蘆葉似山姜杜若輩根似高良薑又作穗嫩葉卷之而生初
如菱蓉穗頭深紅色葉漸展花漸出而色漸淡亦有黃白色
者南人多採以當果實尤貴其嫩者并穗入鹽同醃治蠱
作朮不散落又以朱槿花同浸款其色紅甘其作實者若龍眼
子而銳皮无鱗甲中子若石榴瓣候熟採之暴乾根苗微作樟

木氣

陳藏器指山薑疑此誤也

其山薑花莖葉皆姜也但根不堪食足与豆

菹卷相乱而微小耳花生葉間作穗如麥粒嫩紅色南人取其

未大開者謂之含胎花以鹽水淹藏入甜糟中經冬如琥珀色香

辛可愛用為膾醋最相宜也又以鹽殺治暴乾者煎湯服之極

能除冷氣止霍乱消酒食毒甚佳

證類本草

白豆蔻樹如絲瓜蔓衍山谷春花夏實

一經志真臘國

紅鹽草葉取生草豆蔻入梅汁鹽漬令色紅曝乾以薦酒殊有

風致

桂海虞衡志

豆蔻味辛温無毒主温中心腹高嘔吐去口臭氣鮮食佳

食物本草

南方草物狀曰豆蔻樹大如李二月花色仍連著實子相連累

其核根芬芳成殼七月八月熟曝乾剥食核味辛香五味出
興古劉忻期交州記曰豆寇似杞樹環氏吳記曰黃初二年魏
來求豆寇晉氏要術

椰子

椰子葉如栟櫚高六七丈無枝條其實大如寒瓜外有麤皮次有殼圓而且堅剖之有白膚厚半寸味似胡荽而極肥美有漿飲之得醉俗謂之越王頭云昔林邑王与越王有故怨遣俠客刺得其首懸之於樹俄為椰子林邑王忿之命剖以為飲器南人至今效之當刺時越王大醉故其漿猶如酒云

南方草木狀

椰子木身葉悉類栟櫚枕椰之屬子生葉間一穗數枚大如五升器果之大者謂惟此與波羅蜜耳皮中子殼可為器子中瓢白如玉味美如牛乳瓢中酒清者極清

芳久則渾濁不堪飲桂海虞衡志

椰子諸州縣皆出樹似檳榔葉如鳳尾出文昌者為上

一統志
瓊州府志

椰子魚如棕櫚子大如碗青色厚皮中殼如盃破之肉色白中有漿味甜謂之椰酒殼堪為器瓊州府志

圖經曰椰子出安南今嶺南州郡皆有之木似枕椰無枝條高數丈葉在木末如束蒲實大如瓠垂於枝間如挂物實外有麤皮如椶包次有殼圓而且堅裏有膚至白如猪脂厚半寸許味亦似胡荻膚裡有漿四五合如乳飲之冷而氣醲人多取殼為器甚佳不拘時月採其根

皮用南人取其肉糖飴漬之寄至北中作果未甚佳也

衍義曰椰子開之有汁如乳極甘香自別是一種氣味中又有一塊瓢形如瓜萐上有細龍起亦白色但微虛紋若婦人裙褶其味亦如其汁又着殼一重白肉刮取之皆可與麴糖煎為果汁色如白酒其味如瓢然謂之酒者好事者當日強名之取其殼為酒器如酒中有毒則酒沸起今人皆漆其裏則全失用橄子之意

椰杯出西廣安南類瓢且厚實黃黑色肉白可食鋸開中有酒微酸謂之椰子酒或漆或銀屑作酒盃小者最貴而難得大者做酒壺勸盤酒注水杓之類或云酒傾入有毒

則爆放出路人多帶之椰子不出廣西梧州府鬱林州廣西
方輿云樹似檳榔實如瓜堪為飮器文選曰檳榔無枝柳葉無
陰格古要論

椰子肉益氣治風漿但酒飲之五醉主消渴吐血水腫去風
熱塗頭並髮令黑丹溪云椰子生海外極熱之地土人賴以
解夏月毒渴天之生物各因其材多食動氣殼為酒器酒有
毒則沸起今人或漆或廂殊失其義

食物本草

椰子漿殼圓而堅外有皮可為酒器如酒中有毒酒即沸起
味甘平無毒椰子中有漿如乳飲之得醉主消渴吐血水腫去

風熱日用本草

椰南海有之蒲地不產考本草注木似桃柳無枝條高數丈葉在木末如東蒲然其實大如瓠匏實外有皮如棧果之皮內有殼甚堅鋸開殼內有白肉附殼厚寸許可食中有漿四五合謂之椰酒別是一種滋味中別有一塊肉味與漿同殼大者可分為瓢其小如鷺彈者可為酒鍾遇毒則酒沸起今人皆漆用之或用金銀屑之殊失用椰本意與化府志

異物志曰椰樹高六七丈無枝條葉如東蒲在其上實如瓠繫在於山頭若掛物焉實外有皮如胡盧核裏有膚白如雪厚半寸如猪膚食之美於胡桃味也膚裏有汁升餘其清如水其味美於蜜食其膚可以不飢食其汁則愈渴又有如西眼處俗人謂之越王

頭南方草物狀曰柳二月花仍連著實房相連累房三十或二十七八子十一月十二月熟其樹黃實俗名之為丹也橫破之可作碗或微長如梧葉子從破之可為爵南州異物志曰柳樹大三四圖長十丈通身無枝至百餘年有葉狀如蕨葉長丈四五尺皆直踈指天其實生葉間大如升外皮苞之如連伏皮中核堅過於核裏面正白如雞子著皮而腹內空含汁大者含升餘實形圓然或如瓜萐橫破之可作爵形並應器用故人珍貴之廣志曰柳出交趾家一種之交州記曰椰子有漿截老以竹筒承其汁作酒飲之亦醉也神異經曰東方荒中有椰木高三二丈圍丈餘其枝不橋二百歲盡落而生華如甘瓜華盡落而生華下生子三歲而

熟之後不長不減形如寒瓜長七八寸徑四五寸萼覆其頂此實不取萬世如故取者指取其留下生如初其子形如甘瓜瓤甘美如蜜食之令人有澤不可過三升令人醉半日乃醒木高凡人不

能得惟木下有多羅樹人能緣得之一名曰無葉一名倚驕張

先注曰驕直上不可那也音民要術

椰木似檳榔無枝條高十餘尋葉在其末如米蒲實大如瓠繫在爵頭實外有皮如胡桃核裏有膚白如雪厚半寸如猪膏味美如胡荽膚裏有汁升餘清如水美如蜜飲之可以愈渴核作飲器

尔雅翼

椰子樹初栽時用鹽一二斗先置根下則易發其俗家之

遭必植之木幹最長至斗大方結實當摘實時在五六月之
文去外皮則殼實圓而黑澀肉至白水至清且甜飲之可祛
暑氣今行商懸帶柳瓢是其殼也又有一種小者端圓堪作
酒盞出於文昌瓊山之境他處則無也 尚槎餘錄

文官果

文官果出青州德州四稜內有仁如螺外蔽以房唐德宗出狩道旁有以是果獻者遂官其人故名或曰其種類自文官得之山志

文林郎

本草云出渤海如林擒其樹自河中浮來得之者為文林郎因名同上

文林郎味甘無毒主水痢煩熱子如李或如林擒生渤海間人食之云其樹從河中浮來拾得人身是文林郎因以此為名也

婆羅蜜

波羅蜜大如冬瓜外膚礪礪如佛髻削其皮食之味極甘
子練悉如冬瓜生大木上秋熟桂海

波羅蜜大如斗剖之若蜜其香滿室

一統志
瓊州府志

波羅蜜樹如荔枝差大皮厚葉圓有橫紋小枝附樹身而
生一枝含數實花落實出大如斗皮亦似荔枝有刺類佛
首螺髻之狀肉若蜂房近子處可食與熟瓜無異而風韻
過之子如肥皂核大亦可蠅食味似豇春生秋熟交人珍
之霏雪錄

波羅蜜樹類冬青而黑潤倍之幹至斗大方結實多者十數少
者五六顆皆生於根幹之上狀似冬瓜外厚結皮若栗蓬多

棘刺方熟時可重五六斤去外殼肉肉層疊如橘囊以其甘如

蜜故云

海槎

波羅蜜番禺縣南海廟前東西各一株結實大如瓠一名累加
結一統志廣東

波羅蜜大如冬瓜皮有軟刺五六月熟味最香甜核可煮食
能飽人奉化府嘉林州出者尤佳一統志安南

無漏子

無漏子味甘溫無毒主溫中益氣除痰嗽補虛損好顏色令人

肥健生波斯國如枣一云波斯枣

本草經

都角子

都角子味酸澁平無毒久食益氣止泄生南方樹高丈餘子如卵
徐表南方記云都角樹二月花二連着實也本草經
南方草物狀曰都楠樹野生二月花色仍連者實八九月熟一如
雞卵里民取食香民要術

土瓜

土瓜宋志作新羅葛其藤似葛其根入地結為瓜色白而脆
留阿輪因大者如碓首剝而食之味甘香鮮醒消渴興化
府志

土瓜一名新羅葛藤似葛根大者如碗小者如拳色青白味甘
可以鮮醒消渴八閩通志

土瓜生土中如葛而圓如瓜廣州府志

土瓜蔓長而瓜實在地中清爽有味建昌府志

爾雅曰物註即土瓜也疏一名芴孫炎曰芴類也詩谷風曰采芴采菲陸機云菲似芴莖粗葉厚而長有毛三月中蒸鬱為薺薺美可作羹古人謂之芴爾雅又謂之蕙菜今河內人謂之宿菜案今爾雅菲芴與蕙菜異郭注似是別草如陸之言又是二物某氏注爾雅二處皆引谷風詩即菲也芴也蕙菜也土瓜也宿菜也五者一物其狀似芴而非芴故云芴類也

士洵按爾雅所注菲芴云即土瓜也詳觀邢說乃食其

葉非食其根不知何以得土灰之名疑非今之土灰也

菲

爾雅曰菲蔥菜註菲草生下似地似蕪菁青華紫赤色可食疏菲一名蔥菜案詩谷風云采葍采菲毛傳云菲勿郭上注菲勿云土灰也注此云菲草生下濕地似蕪菁華紫赤色可食則是葍与蔥菜別草而其氏及陸機以為一物非郭義也

土灰味苦甘寒無毒主消渴內痺月閉帶下益氣行乳止小便療口瘡久食發脚氣不能食物本草

苦菜

上音口下老口切

苦蕒藤生葉類薯三月栽夏開細花作穗淡紅色實乃別
生不附於花形如勃菰而實黑色周圍有細圓點其點微高而
中凹俗呼為糯八九月熟上人採煮食之謂其性煖能消食根
類薤大亦可食又有一種其實皮光俗呼為社塢延食之微
不及於揆即武府志

鷄齊即食葛

鷄齊一名薤藿一名黃斤今之食葛非為締絡者也其生延
蔓甚者其蔓首至根可二十步人皆掘食之生食甜脆亦
可熟食有粉今江南人凶歲則掘取以禦凶荒大抵南康廬
陵者最勝多肉而少筋甘美然當取入土深大者或又曰入土

五六寸以上者名葛脰服之令人吐以有微毒也其花藤皆可醒酒而去酒毒服方寸匕飲酒不知醉博物志野葛食之殺人家種之三年不收後亦生亦不可食吳郡賦食葛香茅注云食葛蔓生與山葛同根特大美於芋也尔雅翼

葛春生苗引蔓根大如臂煮食甚甘可以已渴民陵志

葛根性寒土人種之任數年乃取用形大如杵可二三斤作粉可雜飲食用雁山志

蓬蘽 每附

圖經曰蓬蘽覆盆苗莖也生荆山平澤及兔句覆盆子舊不著所
州士今並處；有之而秦吳地尤多苗短不過尺莖葉皆有刺花
白子亦黃如彈丸大而下有莖承如柿蒂狀小兒多食其實五月
採其苗葉採無時江南人謂之莓然其地所生差晚三月始有苗
八九月花開十月而實成功用則同古方多用

衍義曰蓬蘽非覆盆也自別是一種雖枯敗而枝便不散今人不
見用此即賈山策中所言者是此也

衍義曰覆盆子長條四五月紅熟秦州甚多永興華州亦有又
時山中人採來賣其味酸甘外如荔枝櫻桃許大軟紅可愛失

採則就枝生蛆蓋腎藏小便服之當覆其漏器如此取名食之多熟收時五大分熟便可採烈日曝仍須薄綿蒙之今人取汁作煎為果仍少加密或熬為稀湯點服治肺虛寒採時看水則不堪煎

覆盆子蓬蘽實也苗短不過尺莖葉皆有刺花白子赤黃如半彈丸及其下有莖承之如柿蒂狀味甘酸俗謂之莓八閩通志

蓬蘽西復盆子本草各出二條是矣下又引唐本注曰覆盆蓬蘽二物異名今注曰蓬蘽覆盆之苗覆盆蓬蘽之子則全誤矣緣此紛議論通不能辨二物惟衍義謂蓬蘽非覆盆也自別是一種雖枯敗而枝梗不散又謂覆盆子四五月熟味酸甘外如櫻桃許大

軟紅可愛失採則就枝生蛆圖經謂莖葉皆有刺花白子赤黃如
彈丸下有啞承之如柿蒂狀三條為是然衍義又謂軟紅可愛則
又以蓬蘽為覆盆矣蓬蘽初熟軟紅覆盆則不紅也殆不如圖經
赤黃之得真矣然圖經又謂苗短不盈尺則又非也覆盆樹与苗
但不甚高也衍義又謂長條則又以蓬蘽雜之矣覆盆不生條也
本經既分為二物是矣下又云一名覆盆子則本經已誤於先矣
蓬蘽子初則淺紅熟則深紫有芒鉤長覆盆子初則黃熟則亦黃
芒微蓬蘽蔓生條而甚長覆盆樹生枝而不甚高蓬蘽子味甘酸
而淡覆盆味甘酸而深蓬蘽刺大而稀覆盆刺細而密蓬蘽枝梗
枯敗覆盆枝葉四時如一只是其子形狀其以津液為味其熟之

時皆同本經遂誤陳上良織蓬蘽為莓言其形皆是而不能定為
蓬蘽寇宗奭知覆盆異於蓬蘽而又誤矣為紅餘注則通無所見
矣曰據所見辨之使博物者不眩也 南園漫錄

蓬蘽覆盆子本草舊註曰覆盆蓬蘽一物異名今注曰蓬蘽覆盆
子由覆盆蓬蘽之子則全誤矣衍義又謂軟紅可愛則又指蓬蘽
為覆盆矣按雲南張侍郎而園漫錄云蓬蘽初則淺紅熟則深紫
味甘酸而淡其芒長蔓生條而長甚刺大而稀雖枯敗而枝梗不
敗覆盆子初則黃熟則赤黃味甘酸而深其芒微樹生枝而不甚
高刺細而密枝葉四時如一張公博物之士據所見以證本草舊
注之誤其功多矣古人有云誤注本草非細故也余特詳之

蓬蘽曰覆盆曰陵蘽曰陰蘽今人謂之莓大小有數種有蔓生者有叢生者有樹生者惟叢生者大而可愛謂之蓬蘽其樹生者謂之覆盆子亦謂之西國草亦謂畢楞伽爾雅云生蒺藜其鋪地蔓生者曰地莓爾雅云蘽者地莓也草木部

爾雅曰生蒺藜蓋註覆盆也實似莓而小亦可食疏生一名缺蓋安本草蓬蘽一名覆盆一名陵蘽一名陰蘽其實名覆盆子今注云蓬蘽是覆盆之苗也覆盆乃蓬蘽之子也唐本注云然處不同沃地則子大而甘瘠地則子細而酸者是也

爾雅曰蘽蘽註蘽即莓也今江東呼為蘽莓子似覆盆而大亦酢甜可啖

爾雅曰蒟蒻一名蒟蒻今之木蒟也實似蒟蒻而大亦可食疏
山蒟一名蒟蒻

丹粘子

丹粘子此山果也一名倒粘子樹高二三尺開花淡紅色細子如
乳頭初熟色赤其味澀既熟色紫其味乃甘又名逃軍糧或曰可
以釀酒具化府志

倒粘子狀如軟棗色紫黑而紅而味甘廣州府志

逃軍糧海漆子花如芍藥俗名倒粘子漬為膠可代柿油
宋蘇軾名曰海漆瓊州府志

丹菓

丹菓樹高大葉繁密其實全似肥皂初淡青及熟為深紅
中有子三五亦如肥皂核其皮黑煨熟去皮其肉正黃与
栗相類食之頗黏膩不如栗脆

興化府志

菩提果

菩提果花如冠毼葉似冬青而長實似枇杷而大味清甘而香或云西域有此果故謂之菩提 八閩通志

宋志引海物異名記云華如冠毼葉似冬青實似枇杷核堪入藥今按此果其葉長而尖与冬青弗類其實圓而長与枇杷弗類實内虛核當虛处其味甘香俗呼糖桶盖佳果也 吳化府志

菩提子狀如石榴色青味甘滇以木槌子為此不可食用其核為念佛數珠 廣州府志

按舊志梁宋真諦三歲種菩提樹二於光孝戒壇之前今

在六祖殿前 同上

菩提子壯如柿子核堅可食 瓊州府志

箇摩子

箇摩子藤生附大木上實成熟外皮黃色中有殼裹肉如蓮可煮而食之或取以充果然非貴品也出福清 閩通志
箇摩子此山果也藤生結實如橄欖大有殼有赤白二種赤者可食白者不可食凡食皆煮熟之不尔則戟喉或云其本為降真香其苗生箇摩子 具化府志

巴欖子

巴欖子如杏核色白扁而尖長來自西蕃比年近畿人種之亦生樹似櫻桃枝小而極低惟馬元忠家開花結實後移植禁藥予嘗游其園有詩云花到上林開即謂此也曲洧田園

黃彈子

祥符圖經云黃壇子海物異名記云黃彈子實如彈丸葉如山桂而香又云本出越王祭壇之側曰王壇子楊郁賦曰果則龍目荔枝王壇丹橘

八閩通志

黃彈其葉似山桂其實如彈丸皮香肉甘

漳州府志

黃彈子實如彈丸葉如山桂而香祥符圖經謂之黃壇子海物異名記謂之黃彈子又謂本出越王祭大一壇名王檀子蓋一物三名未知孰是但莆人皆呼為黃彈聞取其葉貼臍瘡愈

興化府志

黃淡子狀如柑橘色黃味酸花可薰香陳藏器本草謂橘

之類有塌橘山橘黃淡子是也

廣州府志

王壇子如枣大其味甘出候官越王祭太乙壇之邊有此果無知其名因見生处遂名王壇其形小於龍眼有似木瓜

奇民要術

五稜子

五稜子形甚脆異以瓣五出如田家碌碡狀味酸久則微甘閩中謂之羊桃

桂海虞衡志

五稜子一名羊桃又名五斂子瓣五出如田家碌碡狀味

酸

廣州府志

五斂子大如木瓜黃色皮肉脆軟味極酸上有五稜如刻

出南人呼稜為欽故以為名以蜜漬之其酢而美出南海
南方草木狀

楊桃楊字亦作羊臨海異物志楊桃其色青黃有五瓣或
謂之五瓣子八閩通志

楊桃樹高大葉甚繁密其實生柯幹上非他果綴枝而生
閩中記云生五瓣酢而可食是也吳化府志

土菓曰楊桃大如拳綠色明潤五稜並起劍脊中核如花
紅子味帶酸宜於酒後咀嚼之俗多用晒乾作添按果用
海槎餘錄

羊桃味甘寒主燂熱風水積聚詩名養楚疑與猕猴桃類

食物本草

簡子

簡子藤生緣樹木正月二月華色四月五月熟實如藥赤如雄鷄冠核如魚鱗取生食之淡泊無甘苦出交趾合浦
有民要術

予往歲在大理與姜孟賓讀蕭子雲賦有長卿晚翠簡子秋紅之句孟賓吳人博學予牽以問曰長卿則草中徐長卿藥名是也簡子亦必草木名出何書耶孟賓亦不能知近觀齊民要術云乃知子雲引用必此物也
卅鉛摠錄
按楊升菴引賈氏說証蕭賦似笑但要術明言四月五月

熟而賦乃言秋紅疑未的耳

岑梨

岑黎即沙梨大如橘味甘亦黎之小者

同上

山棗

糯棗

狀如棗而圓色青黃而味甘酸

同上

糯棗葉如柳實似柿而小味甘美

古今注

石栗

殼堅肉實如栗

廣州府志

頻婆子

實紅色大如肥皂核如栗煨熟味与栗无異本韶州月華寺種曰三藏法師在西域携至今在二有之頻一作貧梵謂之叢林以其葉盛成叢故也

廣州府志

黃皮子

黃皮子大如彈黃如蠟珠味酸甜有白蠟子其味尤勝同上

宜母子

宜母子一名黎檬子狀如柑橘味酸元大德三年泉州路
煎糖官呈用里木子柞水煎造舍里別蒙古語為渴水也
凡木果之汁皆可為之獨里木子香酸經久不變里木子
即宜母子元於番禺城東蓮塘南海於城西荔枝灣置御
果園裡里木樹大小八百株大德七年罷貢園今為民居
廣州府志

盧都子

安南有小菓色紅可愛味酸名盧都子霏雪錄

波羅子

波羅子：生幹上大如斗，色青，皮多刺，其中子如栗肉，甜堪作密煎，出南海神廟。廣州府志

劉子

爾雅曰：劉，杙。註：劉子生山中，實如梨，酢甜，核堅出交趾。南方草物狀曰：劉樹子大如李，實三月花，色仍蓮，著實七八月熟，其色黃，其味酢，煮密藏之，仍其好。齊民要術

簾

廣志曰三簾似翦羽長三四寸皮肥細細色以密藏之味甜酸可以為酒啖出交州正月中熟異物志曰簾實雖名三簾或有五六長短四五寸簾頭之間正簾以正月中熟正黃多汁其味少酢藏之益美廣州記曰三簾快酢新說蜜為糝乃美

齊民要術

金斗

金斗葉似橄欖而長實紅色味甘酸

八閩通志

金斗子色紅味甘大如秋風子一名金鈕子

廣州府志

留求子

留求子形如梔子稜瓣深而兩頭尖似訶梨勒而輕及半黃已熟中有肉白色甘如棗核大治嬰孺之疾南海交趾俱有之

南方草木狀

益知子

益知子如筆毫長七八分二月花色若蓮着實五六月熟味辛雜五味中芬芳亦可鹽曝出交趾合浦建安八年交

州刺史張津嘗以益知子粽餉魏武帝

南方草木狀

廣志曰益知葉似蕺荷長丈余其根上有小枝高八九寸
無華萼其子叢生著之大如棗肉辦黑皮白核小者曰益
知含之隔涎滅出萬壽亦生交趾異物志曰益知類薏苡
實長寸許如枳椇子味辛辣飲酒食之佳

廣州記曰益知葉如蕺荷莖如竹箭子從心中出一枚有
子十子內白滑四破去之取外皮蜜煮為糝味辛

以上俱者
民要術

圖經曰益智子生崑崙國今嶺南州郡徃之有之葉似蕺
荷長丈餘其根傍生小枝高七八寸無葉花萼作穗生其
上如棗許大皮白中人黑人細者皆含之攝涎唾採無時

純白齋

盧循為廣州刺史遺劉裕益智粽裕答以續命湯是此也

益知子葉如蕤荷實如李核去皮用之其中人如梔子縮
紗之類可煮為蜜粽食

草木畧

海南產益知花實作長穗而分為三節其實熟否以候歲
之豐歉其下節以候早禾中上亦如之大凶之歲則皆不
實蓋罕有三節並熟者其為藥治氣止水而無益于知
豈求於藥者手其得此名豈以其知歲也

東坡手澤

鬼目

廣志曰鬼目似梅南人以飲酒南方草物狀曰鬼目樹大者如李小者如鴨子二月花色仍連著實七八月熟其色黃味酸以蜜煮之滋味柔嘉交趾武平興古九真有之也裴淵廣州記曰鬼目益知直爾不可噉可為漿也吳志曰孫皓時有鬼目菜生工人黃考家依緣棗樹長丈餘葉廣四寸厚三分頗微廣州記鬼目樹似棠梨葉如楮皮白樹高大如木瓜而小耶傾不周正味酢九月熟又有草昧子亦如之亦可為糝用其草似鬼目

齊民要術

摩厨子

摩厨子味甘香平無毒主益氣潤五臟久服令人肥健生
西域及南海子如瓜可為茹異物志云木有摩厨生自斯
調厥汁肥潤其漆如膏馨香樸射可以煎熬彼州之人仰
以為儲斯調國名也

本草經

桂木子

桂木子其大如桃皮黃肉紅味酸俗呼鬼目

廣州府志

羊矢子

如石蓮而小色青味甘

同上

臘脂

黃皮子

昌茨子

木膽子 出文昌

鳳凰子 出萬州

以上俱見瓊州府志

木買子 水甕子 羅芳 桔子 俱出廣州

懸鉤子

懸鉤根皮味苦平無毒主子死腹中不下破血殺虫毒卒
下血婦人赤帶下久患痢不問赤白膿血腹痛煮服之子
如梅酸美人食之醒酒止渴除痰唾去酒毒莖上有刺如

鉤生江淮林澤取莖燒為末服之亦主喉中塞也 本草經

青竹子

青竹子狀如桃而圓色黃味酸 廣州府志

君遷子

君遷子味甘平無毒主止渴去煩熱令人潤澤生海南樹

高丈餘子中有汁如乳汁 吳都賦云平仲君遷 本草經

魏王花木志云君遷樹細似甘蔗子如馬乳 齊民要術

君遷樹宋司馬光類編云君遷木名子如馬妳或云俗呼

牛妳子是也 一統志廣州

君遷樹陸龜蒙和皮日休寄南海詩云庭中亦有君遷樹
莫向高臺望漢朝是也按文選吳都賦註云平仲君遷二
木名廣州有之子如瓠形又交州記云有君遷樹又有朝
漢臺司馬溫公類編云君遷木名子如馬妳今不知何木
或云俗呼為牛妳子者是愚恐亦以為未然今之婆羅子
似瓠疑即為此然亦未敢強以為是僕博合君子再加攷
焉

廣州府志

文選蜀都賦平仲君遷皆木名注缺按司馬溫公名苑云
君遷子如馬妳俗云牛妳柿是也今之造扇用此柿油可
補文選注冊鉛摠錄

姑娘果

金殿前有野果名紅姑娘外垂絳囊中空有桃子如丹珠
味甜酸可食盈二繞砌與翠草同芳亦自可愛

元故宮遺錄

徐一夔元故宮記

此條出格古要論而升菴乃云徐一夔所作當考徐
始豐藁

蓬蓬柰

蓬蓬柰華言破肚子蓋果实也產於暹羅之崑龍大如棗
而青島夷日乾以附遠漬以沸汁其皮自脫圓滿如大李
肉潤膩如紅酥其美可饒亦珍味云

黃衷海語

石都念子

石都念子味酸小溫無毒主痰嗽噦氣生嶺南樹高丈餘
葉如白楊花如蜀葵正赤子如小枣密漬為粉甘美益人
隋朝植於西苑也 本草經

千歲子二条

千歲子有藤蔓出土子在根下鬚綠色交加如織其子一
苞恒二百餘顆皮殼青黃色殼中有肉如栗味亦如之乾
者殼肉相離撼之有聲似肉豆蔻 同上

韶子

毛韶子
似荔枝而味酸
廣州府志

韶子味甘溫無毒主暴痢心腹冷生嶺南子如栗皮肉核

如荔枝廣志云韶葉似栗有刺斫皮內白脂如猪味甘酸
亦去核如荔枝也 本草經

木威子

木威子味酸平無毒主心中惡水氣生嶺南山谷樹葉
似棟子如欖橄而堅亦似枣也 本草經

千歲子一名青脆子核中有肉如栗 廣州府志

人面子

人面子樹似含桃結子如桃實無味其核正如人面故以
為名以蜜漬之稍可食以其核可玩於席間釘餠禦客出
南海 南方草木狀

人面子如大梅李核如人面兩目鼻口皆具肉甘宜蜜煎
桂海虞衡志

人面子春華夏實秋熟其酸可食兩邊似人面俱鬱林州
出一統志梧州

人面子核如人面故名青色味酸增城取其仁薦茶最佳
廣州府志

木竹子

皮色形狀全似大批杷肉甘美秋冬間實 桂海虞衡志

冬桃

安南有桃綠色味甚澁名冬桃 霏雪錄

狀如棗深碧如玉軟爛甘酸春夏熟桂海

冬桃狀如橄欖形圓色綠味甘酸廣州府志

羅望子

殼長數寸如肥皂又如乃色正其肉有二三實煨食其美

同上

鸚鵡舌

即紅藍草之珍者實初結即擷取紅藍乾之纔如舌小

黎朥子

如大梅復似小橘味極酸

同上

槽罌子

大如半升碗諦視之數十房攢聚成毬每房有縫冬生青
至夏紅破其瓣食之微甘 同上

槎擦子

狀如鷄栗肉甘而味微澁 同上

地蠶子

生土中如小蠶又似甘露子 同上

火炭子 以下並春實凡二種

似烏李之狀春實

赤柚子

如橄欖皮青肉赤

山韶子

以下八種並夏實

色紅肉如荔枝

山龍眼

其色青肉如龍眼

部啼子

其實如黃大石榴

木賴子

其實如淡黃大李

按瓊州府志木賴子出梨舍

粘子

其狀如脂而大褐色

羅晃子

其形如橄欖而皮七重

千里子

其結實如青黃李味甘

赤枣子

其形如酸棗而味酸

藤詔子

以下十三種並秋實

其狀大如鳬卵柿

古米子

其殼黃色內有肉如米粒

殼子

其實圓如青梅子而味甘

藤核子

生白藤上其實如小胡桃

木連子

其實如胡桃紫色

羅蒙子

其結實黃色大如橙柚之狀

毛栗

其形大小不齊如橡栗

特乃子

狀似榧子而圓長端正

不納子

山不納

似黃熟小梅色赤爛二即皮肉耳核可為經珠似菩提子

桂海虞衡志

不納子類菩提子其核可作數珠

山不納色紅味甘酸其大如彈

俱廣州府志

羊笑子

色狀全似羊笑味亦不佳

日頭子

狀如櫻桃色如蒲桃穗味佳

秋風子

秋中結實其色狀俱似棟子色褐如梨而小如豆味酸澁
熟乃可食 廣州府志

黃皮子

其形如小枣

朱園子

以下六種並冬實

正圓深紅狀如苦楝子

匾桃

其形如大桃而匾色正青 桂海

如桃而匾色青味甘 廣州

粉骨子

其实皮包而中結肉如粉

恰骨

其实太扁如大橘皮裏空虛

布柚子

其实似李而黃色

黃肚子

其結如石榴而黃色

以上俱出桂海虞衡志

穀子

穀子大如欖而長味亦初苦而後甘嫩者以蜜漬暴乾最

宜 廣州府志

藤果

藤果狀如荔枝味酸

一統志
者樂甸長官司

沙棠

山海經曰崑崙之山有木焉狀如棠黃花赤實味如李而
無核名曰沙棠可以禦水時使不溺呂氏春秋曰果之美
者沙棠之實齊民

沙棠果瀧水縣出其味如李而無核

一統志
肇慶府

毗野樹

毗野樹花似木瓜葉似杏實似楮

一統志
真臘國

婆田羅樹

婆田羅樹花葉實畧似枣

一統志
真臘國

歌畢佗樹

歌畢佗樹花似林禽葉似榆而厚大實似李

一統志
真臘國

沒石子

沒石子樹如樟開花結實如中國茅栗

一統志
三佛齊

菴羅果

菴羅果味甘溫食之止渴動風氣天行病後及飽食後俱不可食之又不可同大蒜辛物食令人患黃病樹生狀若林擒而極大本草經

陳士良云微寒無毒主婦人經脉不通丈夫營衛中血
脉不行久食令人不飢葉似柰葉可以作湯療渴疾證
類本草

菴羅果西洛甚多亦梨之類也其狀亦梨先諸梨熟七夕
前後已堪啗色黃如鵝梨熟便鬆軟入藥絕稀用本
草衍義

菴羅果若林禽而極大佛書多言之 草木畧

菴羅果味甘溫食之止渴動風氣及飽食後不可食又不
可與大蒜辛物同食令人患黃病樹生狀似林檎食物
本草

菴羅果俗名香蓋乃菓中極品或謂種出西域實似北梨

四五月間熟多食無毒害

一統志
安南國

菴羅果花葉似束實似李

一統志
真臘國

通志

卷三

雜錄

四庫

全書

右元金華胡古愚所撰樹藝書三卷惟稿本下附有詩田
一各較王氏農書尤為詳備惜當時未及刊刻幸家書
目均未著錄曾為陞平山人地北書庫儲藏題簽尚是
門人林吉人手書嗣後為祁上江鶴亭所得是幸為是胡
金華當時手稿本此版心有絕白堂三字可證其秘藏
也余以重佳購之祁氏既示人少幸以陳君以
元柯博士之所言為卷見所書卷之昂外其以幸以
必欲以少書相易乃可不必已前檢其少者數片與
彭易所山外各者雖無隔溪之感固為老中

嘉慶二十四年蓋印一日嘉興錢天樹識

已錄
仿丁

周瑛漳州府志
王氏農書
饒穎中州
黃仲昭知府志
吳希鑑志
永樂集
食物志
年譜

久病記
本州經
本州行義
華永略
荻園雜記
四明郡志
日用志
武甯志

王志
廣州府志
武義志
建昌府志
畫樓錄
齊山要術
項碑銘
石田雜記

年志
雷陽郡志
山陰志
曲洧舊聞
一統志
儒氏園集
神德
歲時廣記

興化府志
松江府志
溫州府志
中興志
秦和志
廣陽案記
蘇州府志
中興志
鄭熊書局新記

公陸通志
九江府志
漢州府志
五嘉志
歷清江府志
南陽新編
姑蘇志
吳郡志
盧志

癸辛雜識
河嶺志
古今注
水經
續博物志
譚雅
草木子
居家必用

勝安
抄模江府
噴噴集
居家必用
佳話前記
吳邑志
太倉州志
吳陵志

民權志
金陵新志
南方州志
名賢別錄
夢溪筆談
浩然齋志
房力士別傳

鎮江府志
甯國縣志
北戶錄
劉公志
野乘錄
詩經注疏
取法於江府志

明道雜誌
韋航記
練川園記
日詢子鏡
星宮抄序
南園謠集
蘭譜
類聚集

以游錄
玉泉山志
續星宮抄序
西湖遊覽志
增補志
陳仁王筆譜
田汝成西湖遊覽志
西齋雜記

丹鉛錄

東城集

容齋隨筆

便內

劉院北溪集

湘山野錄

鴈山志

困學紀聞

張氏居詩集

桂海虞衡志

共學齋筆記

五色錢集

仇池筆記

續夢溪筆談

溪智叢書

侯莊雜錄

龍城錄以上五部

南村樵耕錄

丹鉛總錄

燕巖通

馬端良古今注

陸氏續詩錄

北齊書

枕中子

東通志

沈氏錄

盧熊蘇州府志

厚山志

雲谷雜記

續夢溪筆談

陸氏雜志

龐玄英詩集

五
法國通志
孫心譯圖
齊平山志
步軍實錄
於齋集話
聖宗振造
秘閣用後
容乃華

詩世古今令
揚州馬廐房說
邵氏同父後錄
西溪叢話
漢昭集
江南野錄
口集子
詳公數

朝野全載
蜀都雜錄
海鏡
豫亨後錄
侯爵集
天宮遺事
王梅溪集
張伯雨集

濯濯雜錄
第牙公話
清山墨術
都公後錄
海陽表木記
典術
花已能梅話
文易雜錄

游宦記聞
詩學大全
海槎餘錄
志乘
石臼雜記
田字五行
福祿陽秋

重刊志
重陽集
武夷志
碧山隱錄
國史補
東齋記事
松古堂詩

承平舊夢
重刊錄
方洲集
名媛野錄
金陵新志
孝文類聚
歸田錄

百花谷
類詩稿
春階記聞
付家集
葉水心集
翰府名譚
楊誠齋詩

七

律

亥

三

柄

餘

以

署

餘

震

澤

丙

陸

深

張

鈞

儲

林

玉

霞

此書少者上句多者下句按要未著錄檢名家歲書志此乃補注而無之按錢天

樹跋知州古思名助元太常詩士注乃高者其目是也

石宋樹歲書志載此乃高類福平奏劄率有子矣集

黃李序蓋亦有先一代闢人今罕者乃高者其目是也其名

矣此冊乃是當時福率乃高者其目是也那奉率乃高者其目是也度

歲歲晚山此乃高者其目是也一戰者必可

什此此近人子蹟錢大初為杜玄人書而不可平亭竟

常使得三種又及類姑而一戰者必可